



2010 წელი, 18 - 24 მარტი

ფასი 90 თეთრი



ახალი ტენათლეტა

№9 (483) გაემოღის 1998 წლიდან



სტუმრად ახალციხეში გვერდი 11

აზიტიურიენტებო, თვალი აღევნეთ ჩვენს რუბრიკას და გააკეთეთ სწორი არჩევანი!

„აირჩიეთ, სად იხსნავლით“

- თბილისის საგანკო-საფინანსო და პენეჟენების სანსავლო უნივერსიტეტი

საგანანათლელო ქერა

გვერდი 4

მანსავლელოთა მოსაზრებები საგანკოლო ტენათლეტის აკრობატის უედეო

გვერდი 5

XIX საუკუნის დანსარულია და XX საუკუნის დანსაყისის ლიბერატორულ მიმდინარეობათა ისტორიიდან

გვერდი 6-7

ალაქი და ღვთის მამიეველი ალამიანი

გვერდი 8



მოსნავლელოთა კოპანია
გვერდი 9



„დიდი ქართული რომანი“, რომელსაც მკითხველი მუდამ ეყოლება
გვერდი 10



აირჩიეთ. სად ისწავლით

აბიტურიენტთა საყურადღებოდ!



სასწავლად გიწვევთ სახელმწიფოს მიერ აკრედიტებული უმაღლესი სასწავლებელი – თბილისის საბანკო-საფინანსო და მენეჯმენტის სასწავლო უნივერსიტეტი. (034)

ჩვენი პრიორიტეტებია: სწავლება და დასაქმება ერთად. სტაჟირება მისამი კურსიდან; სტიპენდიები წარჩინებულთათვის; მცირე ბიზნესისთვის კურსდამთავრებულთათვის; სწავლის საფასურის გადასახდელად ბანკის კრედიტის მიღება.

სწავლის ერთ-ერთი ყველაზე დაბალი საფასური და ყველაზე დიდი შეღავათები: აბიტურიენტს, რომელიც პირველ ნომრად აირჩევს ჩვენს სასწავლებელს, სწავლის საფასური შეუმცირდება 15 %-ით, შესაბამისად, მეორე ნომრად არჩევის შემთხვევაში – შემცირება შეადგენს 12 %-ს, მისამი ნომრად არჩევის შემთხვევაში კი – 10%-ს. საქართველოს ტარიტორიული მთლიანობისათვის დადგენილია ოჯახის წევრებს სწავლის საფასური შეუმცირდებათ 20%-ით, ანუ 500 ლარით.

მიღებას ვაცხადებთ შემდეგ ფაკულტეტებზე:



ბიზნესისა და მართვის (03401)
მისაღები კონტინგენტი – 105
სპეციალობები: საფინანსო, საბანკო და სადაზღვევო საქმე; მენეჯმენტი და ადმინისტრირება.

ჰუმანიტარულ მეცნიერებათა (03402)
მისაღები კონტინგენტი – 20
სპეციალიზაცია: ფილოლოგია
ქვესპეციალიზაცია: ინგლისური ენა და ლიტერატურა.

სამართლის (03403)
მისაღები კონტინგენტი – 35
სპეციალობა: სამართალმცოდნეობა.
ღია კარის დღე 12 მარტს, 14 საათზე



მისამართი: თბილისი, აბლაძის 37, III სართული (დიღუბა – სავაჭრო ცენტრ „მეგალინთან“) ტელეფონი: 96-36-41. www.bankfininst.edu.ge

საქართველოს განათლებისა და მეცნიერების სამინისტრო ეროვნული სასწავლო გეგმებისა და შეფასების ცენტრი

ინფორმაცია პირებსა და ორგანიზაციებს ინტერესის გამოხატვის წერილებისა და შესაბამისი კვალიფიკაციის შესახებ ინფორმაციის წარმოსადგენად

მიზანი

ეროვნულ უმცირესობათა განათლება არის მთელი განათლების სისტემის ინტეგრალური ნაწილი, რომელიც ასახავს მიმდინარე ინოვაციებს და რეფორმებს. საქართველოში ამჟამად არის 400-მდე არაქართულენოვანი სკოლა. ეს სკოლები იღებდნენ სახელმძღვანელოებს საზღვარგარეთიდან – რუსეთიდან, სომხეთიდან და აზერბაიჯანიდან. ეროვნული სასწავლო გეგმის დანერგვა ნიშნავს სწავლების ენისგან დამოუკიდებლად განათლების უნიფიცირებული სივრცის შექმნას.

ამ მიზნის მისაღწევად განათლებისა და მეცნიერების სამინისტრომ ეროვნული სასწავლო გეგმებისა და შეფასების ცენტრთან ერთად განახორციელა დადებითად შეფასებული ნიშნების თარგმნა. სახელმძღვანელოები 1, 2, 3, 7, 8, 9, 10 და 11 კლასებისთვის უკვე ითარგმნა სომხურ, აზერბაიჯანულ და რუსულ ენებზე. გარდა ამისა, მე-7 და მე-8 კლასების ისტორიის სახელმძღვანელოები ითარგმნა აფხაზურ და ოსურ ენებზე. შემდგომი ნაბიჯი იქნება ეროვნულ უმცირესობათა ენებზე მე-4 და დარჩენილი მე-10 კლასების სახელმძღვანელოების თარგმნა.

სამუშაოს მასშტაბი

შესასრულებელია შემდეგი სახის სამუშაოები: IV და X კლასების სახელმძღვანელოების თარგმნა რუსულად, სომხურად და აზერბაიჯანულად;

IV კლასი

პაკეტი 1	გვერდების რ-ბა
ხელოვნება (მოსწავლის სახელმძღვანელო)	60
პაკეტი 2	გვერდების რ-ბა
მათემატიკა (მოსწავლის სახელმძღვანელო)	362
პაკეტი 3	გვერდების რ-ბა
მუსიკა (მოსწავლის სახელმძღვანელო)	45
პაკეტი 4	გვერდების რ-ბა
ბუნება (მოსწავლის სახელმძღვანელო)	60
პაკეტი 5	გვერდების რ-ბა
ფიზიკური აღზრდა (მოსწავლის სახელმძღვანელო)	50

X კლასი

პაკეტი 6	გვერდების რ-ბა
ხელოვნება (მოსწავლის სახელმძღვანელო)	104
პაკეტი 7	გვერდების რ-ბა
ბიოლოგია (მოსწავლის სახელმძღვანელო)	128
პაკეტი 8	გვერდების რ-ბა
ქიმია (მოსწავლის სახელმძღვანელო)	165
პაკეტი 9	გვერდების რ-ბა
მუსიკა (მოსწავლის სახელმძღვანელო)	69
პაკეტი 10	გვერდების რ-ბა
ფიზიკა (მოსწავლის სახელმძღვანელო)	158

ინტერესის გამოხატვის წერილებისა და შესაბამისი კვალიფიკაციის შესახებ ინფორმაციის წარმოსადგენად

მოცემული გვერდების რაოდენობა დაახლოებითია. რეალური გვერდების რაოდენობა დაითვლება თარგმანის მონოდების დროს (გვერდის მოცულობაში იგულისხმება დაახლოებით 200 ლექსი-კური ერთეული ან დაახლოებით 1500 სიმბოლო).

კონტრაქტორმა 5 თვის ვადაში უნდა უზრუნველყოს რუსულ, აზერბაიჯანულ და სომხურ ენებზე მაღალი ხარისხის თარგმანი; მასალების ეტაპობრივი მიწოდება თვის პირველ რიცხვში; მასალების მიწოდება ელექტრონული ფორმით დაკაბადონებული, მზად გამოსაცემად.

წარმოდგენილი ინტერესის გამოხატვის წერილების საფუძველზე ეროვნული სასწავლო გეგმებისა და შეფასების ცენტრი შეარჩევს საუკეთესო კვალიფიკაციის მქონე ერთ პირს ან ორგანიზაციას ერთი პაკეტისათვის.

კონტრაქტორის შერჩევისას ცენტრი იხელმძღვანელებს კვალიფიკაციაზე დაფუძნებული შერჩევის მეთოდით (სახელმძღვანელო: მსოფლიო ბანკის სესხის მიმღების მიერ კონსულტანტების შერჩევისა და დაქირავების შესახებ გამოცემული 1997 წლის იანვარში, ცვლილებები შეტანილია 1997 წლის სექტემბერში, 1999 წლის იანვარში, 2002 წლის მაისში და 2004 წლის აპრილში).

საკვალიფიკაციო მონაცემების დამადასტურებელი დოკუმენტები:
– დადგენილება სასამართლოდან რეგისტრაციის შესახებ (ნესდების ან დებულების თანდართვით);

– ცნობა საგადასახადო ინსპექციიდან, რომ არ ხორციელდება მისი რეორგანიზაცია და ლიკვიდაცია;

– უკანასკნელი სამი წლის განმავლობაში ანალოგიური მომსახურების გამოცდილების შესახებ ინფორმაცია (შემსყიდველი ორგანიზაციისა და ხელშეკრულებების ღირებულების მითითებით);

– ინფორმაცია მთარგმნელთა კვალიფიკაციის შესახებ, რომლებიც დაკავებული იქნებიან ამ მომსახურებაში (დამადასტურებელი დოკუმენტების ჩათვლით – CV ან ავტობიოგრაფია, დიპლომის ასლი).

საკვალიფიკაციო მოთხოვნები ეხებათ აგრეთვე ქვეკონტრაქტორებს, თუ ისინი ჩართულნი იქნებიან ხელშეკრულების შესრულების პროცესში.

ინტერესის გამოხატვის წერილები და სამუშაო გამოცდილებისა და კვალიფიკაციის შესახებ ინფორმაცია წარმოდგენილ უნდა იქნეს ეროვნული სასწავლო გეგმებისა და შეფასების ცენტრში შემდეგ მისამართზე:

ეროვნული სასწავლო გეგმებისა და შეფასების ცენტრი
0102 თბილისი, დიმიტრი უზნაძის ქ. №52, მე-2 სართული, ოთახი №257
ტელეფონები: 95-83-13
ელფოსტა: eezugbaia@ganatleba.org
საკონტაქტო პირი: ქ-ნი ეკა ეზუგბაია

ინტერესის გამოხატვის წერილების წარმოდგენის საბოლოო ვადაა 2010 წლის 19 მარტი, 17:00 სთ.

წარმოდგენილი დოკუმენტაცია არ მიიღება, თუ წარმოდგენილ იქნა დავიანებით ან თუ რომელიმე მათგანი ყალბი აღმოჩნდება.

„ასწავლე საქართველოსთვის“



საქართველოს რეგიონებში მრავალი პრობლემური სკოლაა, სადაც კვალიფიციური კადრების მოზიდვა და მათი ადგილზე შენარჩუნება ძალიან ჭირს. არსებული სტატისტიკური ინფორმაცია მონიშნავს, რომ მასწავლებელთა 14%-ს არ აქვს უმაღლესი განათლება. ასევე, ხშირია შემთხვევები, როცა მასწავლებელი არ არის იმ საგნის სპეციალისტი, რომელსაც ასწავლის. ზოგიერთი რეგიონის სკოლებში საერთოდ არ მოიძებნება შესაბამისი საგნის მასწავლებელი. ამაზე მეტყველებს შეუსრულებელი ვაკანსიები, რომლებიც გამოქვეყნებულია ცენტრის მიერ შექმნილ მასწავლებელთა ვაკანსიების ვებგვერდზე www.pedagogi.ge, მაგრამ თვეობით რჩება ვაკანსიური. ასეთი სიტუაცია იწვევს სწავლის ხარისხის დაქვეითებას. ვითარება განსაკუთრებით პრობლემურია მაღალმთიანი რეგიონების სკოლების შემთხვევაში. მასწავლებელთა საჭირო და მოსალოდნელი რაოდენობის შესახებ კვლევის მიხედვით, მასწავლებელთა ყველაზე მწვავე ნაკლებობა შეიმჩნევა ისეთ რაიონებში, როგორცაა: მესტია, ყაზბეგი, ახალგორი, დუშეთი, წალკა, დმანისი, თეთრიწყარო, ხულო და შუაქვი. ამ რაიონებში არსებული პედაგოგების საერთო რაოდენობა 30-60%-ით ნაკლებია საჭირო რაოდენობაზე.

ასევე, კვლევა აჩვენებს, რომ მასწავლებლის პროფესია არაპოპულარულია უნივერსიტეტის კურსდამთავრებულებში და ისინი იშვიათად ირჩევენ მას. ამ პრობლემების ფონზე, მასწავლებელთა პროფესიული განვითარების ცენტრმა შეიმუშავა პროექტი „ასწავლე საქართველოსთვის“.

პროექტის უმთავრესი მიზანია კვალიფიციური კადრების მოზიდვა-შენარჩუნება ვაკანსიების მხრივ პრობლემურ სკოლებში და, ამ გზით, სწავლისა და სწავლების ხარისხის გაუმჯობესება. თუმცა, პროექტი ასევე ემსახურება, მასწავლებლის პროფესიის პოპულარიზაციას; კვალიფიციური კადრების დიანტრესებას მასწავლებლის პროფესიით და სასწავლო პროცესში ენერჯული და მოტივაციული ახალგაზრდების ჩართვას.

„ასწავლე საქართველოსთვის“ პროექტის განხორციელება დაიწყო 2009 წლის მარტიდან. პილოტირების პირველ ეტაპზე მოხდა იმ სკოლების იდენტიფიკაცია, სადაც ზოგადად კვალიფიციური კადრების, კერძოდ კი – კონკრეტული საგნის მასწავლებლების ნაკლებობაა. საგანმანათლებლო რესურსცენტრების დახმარებით საქართველოს რეგიონების სკოლებიდან



შეგროვდა ინფორმაცია ვაკანსიების შესახებ. ცენტრმა, სპეციალური კითხვარების მეშვეობით, შეარჩია ისეთი სკოლები, სადაც კვალიფიციური საგნის მასწავლებლების დეფიციტი ყველაზე კრიტიკულია. ცენტრმა მოინახულა შერჩეული სკოლები და შეაფასა სკოლის რესურსები, თემი და გარემო პირობები. ასევე, მოიხდა საცხოვრებელი ადგილი მასწავლებლებსა და მათს შორის სოფო გორგოძე, მასწავლებელთა პროფესიული განვითარების ცენტრის დირექტორი.

მნიშვნელოვანია აღინიშნოს, რომ სკოლების მხრიდან დაფიქსირდა მოთხოვნა შემდეგი საგნების სპეციალისტებზე: უცხო ენის (რუსული, ინგლისური და ფრანგული), ქართული ენის, ფიზიკის, მათემატიკის, ქიმიის, ბიოლოგიის, გეოგრაფიის სპეციალისტებზე, აგრეთვე, ფიზიკულტურის, ხელოვნების, მუსიკის და დასვენებითი კლასების მასწავლებლებზე.

სკოლების შერჩევის პარალელურად, ჩატარდა მასწავლებლების მსურველთა შესარჩევი კონკურსიც, რომელიც სამ ეტაპად დაიყო: განაცხადის მიღება, ტესტირება საგანში და გასაუბრება. შესარჩევი კონკურსი ითვალისწინებდა შემდეგ ძირითად კრიტერიუმებს: საგნის ცოდნა; ინტერესი საგნისადმი; პროექტში მონაწილეობის მოტივაცია; ინფორმირებულობა ზოგადი განათლების სფეროში მიმდინარე სახელების შესახებ; წერილი და ზეპირი კომუნიკაციის უნარი; უცხო გარე-

მოში ადაპტაციის უნარი; კომპიუტერული საოფისო პროგრამების ცოდნა და სხვ. კონკურსის პირველ ეტაპზე მონაწილეობა მიიღო 500-მდე საგნის სპეციალისტმა. კომისიამ შეარჩია 242 სპეციალისტი. მათ ტესტირება გაიარეს სხვადასხვა საგანში. ტესტირება ჩატარდა გამოცდების ეროვნული ცენტრის დახმარებით და გაიმართა: თბილისში, გორში, ახალციხეში, ქუთაისსა და ბათუმში. ტესტირების შედეგად შეირჩა 101 კონკურსანტი, რომლებსაც ჩაუტარდათ გასაუბრება.

საბოლოოდ, შეირჩა 43 კონსულტანტ-მასწავლებელი, რომლებმაც გაიარეს ინტენსიური ტრენინგები პედაგოგიურ უნარჩვევებსა და ინფორმაციულ-საკომუნიკაციო ტექნოლოგიებში. 14 სექტემბრიდან კონსულტანტ-მასწავლებლები დასაქმდნენ შესაბამის სკოლებში. კონსულტანტ-მასწავლებლები გადანიშნულნი არიან შემდეგ რეგიონებში: ქვემო ქართლი, კახეთი, დუშეთი, სამცხე-ჯავახეთი, აჭარა, რაჭა-ლეჩხუმი, სვანეთი.

12-13 მარტს გაიმართა პროექტის შუალედური კონფერენცია (2-დღიანი), რომელზეც წარმოადგინეს პროექტის მონიტორინგის შედეგები. მასწავლებლებს ჩაუტარდათ ტრენინგები და გადაეცათ დამხმარე მასალები (წიგნები, ფილმები).

პედაგოგებს, ხელფასის გარდა, ეძლევათ 250-ლარიანი სტიპენდია, რაც 2010-2011 წელს 500 ლარი გახდება.

ქეთევან კვიციანი, ქართული ენისა და ლიტერატურის მასწავლებელი, ამბროლაურის რაიონის სოფელი ბუგეული:

„მე საქართველოსთვის ვასწავლი! – გამოგეტყუებოდა, პროექტის სახელწოდებამ თავიდანვე მომხიზლა. მასსოვს, როდესაც ანკეტას ვავსებდი და ვპასუხობდი კითხვას, რატომ მოინდომეთ ამ პროექტში მონაწილეობა, აღვნიშნე, რომ ეს ერთგვარი გამოწვევა იყო, თუმცა პირველ რიგში, ჩემი გადაწყვეტილება საქართველოსთან იყო დაკავშირებული. ახლაც ღრმად ვარ დარწმუნებული, რომ საქმე, რომელსაც პროექტის მონაწილეები ვაკეთებთ, ქვეყნის მომავალს წაადგება!“

ნინო მისტირიშვილი, ბიოლოგიის მასწავლებელი, ონის რაიონის სოფელი პიპილეთი:

„თბილისში ვმუშაობდი პედაგოგად ერთ ძალიან კარგ სკოლაში. ტელევიზიით მოვისმინე პროექტის „ასწავლე საქართველოსთვის“ შესახებ. ეს იყო აუხსნელი იმპულსი, რომელმაც მთლიანად შეცვალა ჩემი ცხოვრება. კონკურსში გამარჯვება ნამდვილად ღვთის ნება იყო. მე აღმოვაჩინე ჩვენი ქვეყნის ერთ-ერთი საუკეთესო კუთხე, რომელიც უზომოდ შემოვივარდა, ადგილობრივები მეკითხებოდნენ, თბილისელი ქალი აქ რამ ჩამოგიყვანაო. მე კი კითხვითვე ვპასუხობ,“

თქვენ როგორ მიღებართ აქედან-მეთქი...“

სოფიო თაბაბარი, ინგლისურის მასწავლებელი, ჩოხატაურის რაიონის სოფელი ჩხაკურა:

„სიცოცხლის სამოსახლოა ჩემი პატარა გურია...“ თურმე ცხოვრებაში ბევრი რამ მაკლდა, სანამ ამ მხარეს, ამ სოფელს და მის მაცხოვრებლებს ვავიცნობდი. უზომოდ მიყვარს ჩემი პატარები. ისინიც ჩემი ხართი და იმის საჩვენებლად, თუ როგორ ვუყვარვარ, ინგლისურად მელაპარაკებოდა ხოლმე. ერთხელ თოვლში ნაფეხურებით (და თანაც ინგლისურად) დამიწერეს, არ მივატოვო ისინი არასდროს. თუ სადმე მივდივარ, ერთხმად მთხოვენ ხოლმე, მალე დავბრუნდე...“

ნანა ასანიძე, ქართული ენისა და ლიტერატურის მასწავლებელი, ამბროლაურის რაიონის სოფელი ველევი:

„ველევიში ჩემს გამოჩენას არავინ ელოდა. ძალიან გაიხარეს, მასწავლებელი რომ ჩაუვიდათ. ტკბილი და თბილი ხალხია რაჭველები. „დამპირდნენ“, სასიძოსაც შეგიჩვენო და აქედან აღარ გაგიშვებო. ბედნიერებაა, რომ ზუსტად იქ ვარ, სადაც ადამიანებს ვჭირდები. ვაკეთებ საქმეს, რომელიც ძალიან მიყვარს და ვემსახურები ჩემს სამშობლოს! დარწმუნებული ვარ, ჩემი მონაწილე-

ბი ქვეყნის საამაყო შვილები იქნებიან და მეც ვიამაყებ მათით!“

ირმა ხმელიძე, ქართული ენისა და ლიტერატურის მასწავლებელი, თეთრიწყაროს რაიონის სოფელი შავსაყდარი:

„რომ ვთქვა, ყველაფერი კარგად დაიწყო-მეთქი, ალბათ, არავინ დამიჯერებდა. იყო ადაპტაციის რთული პერიოდი, მაგრამ მოსწავლეების სიყვარულმა და ადგილობრივი მოსახლეობის გვერდში დგომამ ყველაფერი გადაწონა და დამძლევინა. მუდმივად ვგრძნობ მათ სიყვარულსა და პატივისცემას. ვფიქრობ, გამიმართლა და საჭირო დროს საჭირო ადგილზე აღმოვჩნდი...“

ია ელიაშვილი, მარტვილის რაიონის სოფელი აბუდათი:

„ავისრულე ჩემი ბავშვობის ოცნება – გამხმდარიყავი მასწავლებელი და მეკეთებინა ეს ძალზე შრომატევადი და ფაქიზი საქმე, რასაც მომავალი თაობის სწავლა-აღზრდა აქვია. პროექტმა ძირითადად შეცვალა ჩემი ცხოვრება და დღეს შემოძლია თამამად განაცხადო: მე ვიპოვე საკუთარი თავი მასწავლებლობაში. ეს ჩემი პროფესია!“

ღინა ბაღდადიშვილი, ქართული ენისა და ლიტერატურის მასწავლებელი, მესტიის რაიონის სოფელი იელი:

„2009 წლის 12 სექტემბერს დავდგი პირველად ფეხი სვანეთის მაღლიან მიწაზე. იმ დღის შემდეგ შეიცვალა ჩემი ცხოვრება. ამ შესანიშნავი პროექტის წყალობით ვეზიარე სვანურ კულტურას. იმ ტრადიციების, ლეგენდებისა და ფასეულობების მეგზური გავხდი, რომელიც, სამწუხაროდ, ბარში აღარ არის. XXI საუკუნეში უშბის, თეთულდის, ინგურის ბოძოქარი ტალღების, სინგურის-ფერი ნისლისა და სვანური კულტურის „მორევში“ მოქცეული „XIX საუკუნის ცხოვრებით“ ვცხოვრობ და ვასწავლი თანამედროვე მეთოდებით. დავრწმუნდი, რომ მასწავლებლობა ისეთივე ხელოვნებაა, როგორც მხატვრობა, თეატრი, მუსიკა... თუმცა, ჩვენ, ამ შემთხვევაში, ვქმნით უფრო ღირებულ „პროდუქტს“, რომელიც ჩვენი ქვეყნის მომავალს განსაზღვრავს...“

ნინო მორბილაძე, მათემატიკის მასწავლებელი, წალკის რაიონის სოფელი ნეოხარაბა:

„მასწავლებლობა საუკეთესო პროფესიაა დედამიწაზე. პროექტი ბევრს ნიშნავს ჩემთვის. აქ ჩაეყარა საფუძველი ჩემს პედაგოგიურ მოღვაწეობას, აქ დავიბადე, როგორც პედაგოგი და ვიზრდები, როგორც პროფესიონალი. ჩემი მოსწავლეების ნდობით, სილალით, სითბოთი სავსე თვალები ჩემთვის ყველაზე დიდი საჩუქარია...“

პროექტის პრეზენტაცია

1 ექსპერიმენტულ სკოლაში, „სტრატეგიისა და განვითარების ინსტიტუტის“ მიერ განხორციელებული პროექტის „AD/HD – ყურადღების დეფიციტისა და ჰიპერაქტივობის სინდრომით გამოწვეული პრობლემების შემცირება სკოლაში“ პრეზენტაცია გაიმართა.

პრეზენტაციას დაესწრო საქართველოს განათლებისა და მეცნიერების მინისტრის პირველი მოადგილე **კოკა სეფერთიაძე**, პროექტის ავტორები, მხარდამჭერები და პროექტში ჩართული პედაგოგები და მშობლები.

პროექტი „სამოქალაქო ინსტიტუციონალიზმის განვითარების ფონდის“ მხარდაჭერითა და ფინანსური თანადგომით განხორციელდა. პროექტი თავისი შინაარსით იყო საპილოტო, მიზნად ისახავდა დაწყებით კლასებში AD/HD სინდრომის მიერ წარმოქმნილი პრობლემების აღმოფხვრას, პრევენციული ღონისძიებების გატარებას.

პროექტის ფარგლებში გამოვლინდა AD/HD სინდრომის მქონე 38 მოსწავლე (6-9 წლის). ტრენინგები აღნიშნულ სინდრომთან მუშაობის შესახებ 53 მასწავლებელს ჩაუტარდა. გარდა ამისა, ხდებოდა მიღებული ცოდნის პრაქტიკაში დანერგვა, სადაც ფსიქოლოგები 27 დამრიგებელთან ერთად აკვირდებოდნენ შედეგებს.

პროექტის ფარგლებში მომზადდა ანგარიში, რომელიც პროექტის მიმდინარეობის შესახებ ინფორმაციის გარდა, მოიცავს რეკომენდაციებს აღნიშნულ სინდრომთან მუშაობის გაგრძელებისა და ეფექტურობის გაზრდის მიმართულებით.

პროექტი თავისი მნიშვნელობით იმდენად წარმატებული აღმოჩნდა, რომ მომავალშიც იგეგმება მსგავს პროექტებზე მუშაობა რამდენიმე მიმართულებით.

MES-EXPERT

ფინანსური/იურიდიული მომსახურება

საკონსულტაციო ჯგუფის MES-EXPERT ძირითად მიზანს წარმოადგენს საჯარო სკოლების საქმიანობის მოქმედ კანონმდებლობასთან შესაბამისობაში ფუნქციონირების ხელშეწყობა.

ჩვენ მიერ უზრუნველყოფილი მომსახურება:

- ფინანსური/იურიდიული საქმიანობის ანალიზი;
- საკონსულტაციო მომსახურება;
- ურთიერთობა სახელმწიფო შესყიდვების სააგენტოსთან;
- იურიდიული მომსახურება;
- აუდიტი;
- ქონების შეფასება და სხვ.

საკონტაქტო ინფორმაცია:

ტელ.: 8(99) 92 25 95, 8(99) 30 52 55 E-mail: mes_expert@yahoo.com

საგანმანათლებლო კერა

ქუთაისის იოსებ ოცხელის სახელობის N2 საჯარო სკოლა

1880 წელს, ქართველთა შორის წერა-კითხვის გამავრცელებელი საზოგადოების მცდელობით, ქუთაისში გაიხსნა პირველი ქართული სკოლა, რომელიც 1905 წელს გიმნაზიად გადაკეთდა. 1901 წლიდან მას სათავეში ჩაუდგა გამოჩენილი პედაგოგი და საზოგადო მოღვაწე იოსებ ივანეს ძე ოცხელი. მის სახელთანა დაკავშირებული გიმნაზიისთვის შენობის აგების იდეა. ქუთაისის გუბერნიის თავადაზნაურთა მარშლის, დ. ნიჟარაძისა და ცნობილი საზოგადო მოღვაწის, კ. ლორთქიფანიძის დახმარებით შესყიდულ იქნა მიწის მორბილი ნაკვეთი, სადაც აშენდა შესანიშნავი შენობა გიმნაზიისათვის. 1913 წლის 21 თებერვალს შენობა საზეიმოდ გაიხსნა და მასში ფუნქციონირება განაგრძო ქართულმა გიმნაზიამ.

რუსეთის იმპერიული რეჟიმის დროს გიმნაზია ეროვნული მიმართულებით წარმართავდა იმდროინდელ ახალგაზრდობას. იოსებ ოცხელი, სილოვან ხუნდაძე და სხვა პედაგოგები აქტიურად იბრძოდნენ მოსწავლეებში ეროვნული იდეალების დამკვიდრებისთვის. ამიტომ იყო, რომ გიმნაზიის აღმზრდელები და აღსაზრდელები იცავდნენ ქართველი ერის ღირსებას. გიმნაზიის მოსწავლის, კონსტანტინე გამსახურდიას თაოსნობით მე-20 საუკუნის 10-იან წლებში გიმნაზიაში შეიქმნა ახალგაზრდული ორგანიზაცია „ცხრა მუხა“, რომელშიც ეროვნული თავისუფლებისათვის მებრძოლი ახალგაზრდები იყვნენ გაერთიანებული. გიმნაზიის პედაგოგებმა დიდი

როლი შეასრულეს ეროვნული სკოლისათვის სახელმძღვანელოების გამოცემის საქმეში. იოსებ ოცხელის ინიციატივით შექმნილ გამომცემლობა „განათლებაში“ დაიბეჭდა სილოვან ხუნდაძის „ქართული ქრესტომათია“, „ქართული ენის გრამატიკა“, დიმიტრი უზნაძის „ძველი საბერძნეთი“, „ძველი რომი“, იოსებ ოცხელის „არითმეტიკა“ და სხვ.

მე-20 საუკუნის დასაწყისში სკოლას სტუმრობდნენ ვაჟა-ფშაველა, იაკობ გოგებაშვილი, მოგვიანებით – კონსტანტინე გამსახურდია.

საქართველოში საბჭოთა ხელი-სუფლებების დამყარების შემდეგ გიმნაზიის სტატუსი რამდენჯერმე შეიცვალა. 1954 წლიდან მას ეწოდა აკაკი წერეთლის სახელობის მე-2 საშუალო სკოლა, 1995 წლიდან დაიბრუნა პირვანდელი სახელი – ეროვნული გიმნაზია, 2007 წლიდან კი ეწოდა იოსებ ოცხელის სახელობის ქუთაისის №2 საჯარო სკოლა.

სასწავლებელი ყოველთვის ითვლებოდა მნიშვნელოვან საგანმანათლებლო კერად. 1960 წელს გიმნაზიის დაარსებიდან 80 წელი საზეიმოდ აღინიშნა. ამ პერიოდში სკოლას ხელმძღვანელობდა ცნობილი პედაგოგი ილია გენძეხაძე. ზემოთ დღეებში გიმნაზიის აღზრდელებმა სკოლის ეზოში დადგეს იოსებ ოცხელისა და სილოვან ხუნდაძის ძეგლები (არქიტ. ტ. სიხარულიძე), მათი ნეშტი გადაასვენეს ქუთაისის მწერალთა და საზოგადო მოღვაწეთა პანთეონში.

1980 წელს, სკოლის 100 წლის იუბილესთან დაკავშირებით, ჩა-



ტარდა შენობის კაპიტალური რემონტი, აშენდა სპორტული დარბაზი. მაშინ სასწავლებელს ხელმძღვანელობდა ლევან მოსილი პედაგოგი ალიოზა სანდუხაძე, რომელიც 21 წლის განმავლობაში სკოლის მრავალი წარმატების ორგანიზატორი და სულისჩამდგმელი იყო. სასწავლებლის დაარსების დღიდან პედაგოგიურ საქმიანობას ეწეოდნენ მალაქა ინტელექტის მქონე პედაგოგები: იოსებ ოცხელი, სილოვან ხუნდაძე, დიმიტრი უზნაძე, ალექსანდრე ჯანელიძე, ალექსანდრე წერეთელი, გიორგი ახვლედიანი, ჯაჯუ ჯორჯიანი, იაკობაძე, ევგენი მიქელაძე და სხვ.

მათი ღვაწლით აღიზარდნენ გამოჩენილი ადამიანები: არნოლდ ჩიქოზავა, გიორგი წერეთელი, კონსტანტინე გამსახურდია, ვიქტორ ნოზაძე, დიმიტრი ლორთქიფანიძე, უსანგი ობოლაძე, აკაკი ფალავა, ვარლამ თოფურია, ტრიფონ. ხუნდაძე, სერგო კლდიაშვილი, ლადო ასათიანი, აკაკ ვასაძე, ნიკოლოზ შენგელაია, დია ჩიანელი...

სკოლა ამავალბნ თავისი აღზრდით, რომლებიც ერთგულად ემსახურებიან ჩვენს ქვეყანას და სასახელოდ აგრძელებენ 130 წლის სასწავლებლის მდიდარ ტრადიციებს.

სკოლის ბიბლიოთეკა, რომელიც 1884 წელს სილოვან ხუნდაძემ დაა-

არსა, ერთ-ერთი უძველესია ქუთაისში. ბიბლიოთეკას აქვს მდიდარი წიგნები ფონდი, მათ შორის 300-მდე წიგნი მე-19 საუკუნის 60-90-იან წლებშია დაბეჭდილი რუსულ, ფრანგულ, გერმანულ, იტალიურ და ლათინურ ენებზე.

დიდი ეროვნული ტრადიციების მქონე ამ სასწავლებლის შესახებ ბევრი დანერგა, თავის დროზე მას გამოკვლევების მიუძღვნეს წიგნები: ტრ. ხუნდაძემ („ქუთაისის ქართული გიმნაზიის ისტორიიდან“, თბ. 1965წ.); ი. გენძეხაძემ („ი. ოცხელი“, 1989წ.); ა. სანდუხაძე, მ. თევდორაძე („ქართული სულის ასწავლავნი ხმოვანება“, ქუთ. 2001წ.).

ქუთაისის N21 საჯარო სკოლა

ქუთაისის №21 საჯარო სკოლას მეტად საინტერესო ისტორია აქვს, რომელიც ჯერ კიდევ ჩვენი საუკუნის დასაწყისიდან იღებს სათავეს.

1914 წელს სახელმწიფო საათობრიო საბჭოში დამტკიცდა კანონი – მცირე ეროვნული მოღვაწეობის კერძო სკოლებში მშობლიურ ენაზე სწავლის ნებართვის შესახებ. ეს ქართველებისათვის 100 წლის აუხდენელი ოცნება იყო. ქუთაისში მცხოვრებმა საზოგადო მოღვაწეებმა და პედაგოგებმა შექმნეს საზოგადოება „სინათლე“, რომლის საზრუნავსაც ქართული სკოლის დაარსება წარმოადგენდა. საზოგადოების დამფუძნებელი კრების პირველ სხდომაზე დადგინდა სასწავლებლის გახსნა, შეადგინეს წესდებაც. 1915 წლის 14 სექტემბერს, საზეიმო ვითარებაში გაიხსნა საზოგადოება „სინათლის“ ქალთა კერძო სასწავლებელი, რომლის ხელმძღვანელად მოიწვიეს პედაგოგიურ საკითხებში თეორიულად საკმაოდ კარგად მომზადებული ახალგაზრდა მასწავლებელი, დიმიტრი უზნაძე.

1916 წლის 6 თებერვალს „სინათლის“ საზოგადოების გამგეობის საგანგებო კრებამ, რომელსაც თავმჯდომარეობდა კიტა აბაშიძე, მოისმინა და დაამტკიცა მოხსენება სკოლის დაარსების, გამგეობის მოღვაწეობის, სკოლაში მიღებული სწავლა-აღზრდის მეთოდისა და სკოლისთვის შესაფერისი შენობის მიღების თაობაზე, თუმცა, ეს უკანასკნელი მაშინ ვერ მოხერხდა. „სინათლის“ სკოლა პირველი ქართული სკოლა იყო, სადაც ქართულ ენაზე სწავლის ოცნება რეალურად განხორციელდა.

თავდაპირველად გაიხსნა ორი მოსამზადებელი განყოფილება. ქართული ენიდან საანბნო განყოფილებაში გაიარეს მხოლოდ დედაენის მეორე ნაწილი, 35 გვერდამდე. მონაფეთა რიცხვი დასაწყისში 15 ყოფილა. ყველა განყოფილებას თითო მასწავლებელი ჰყოლია. ამ

ახალი სასწავლებლის გახსნას ყველა სიამოვნებით შეგებებია. იმედი ჰქონდათ, რომ ეს სასწავლებელი მართლაც სინათლეს შეიტანდა ქუთაისელთა ცხოვრებაში. ყველაზე მეტად ის უხარობდათ, რომ სწავლება დედაენის საშუალებით წარიმართებოდა. თუმცა საზოგადოებას ესმოდა, რომ მართო ქართული ენა არ იკმარებდა, ამიტომ საანბნო ჯგუფში რუსული ენაც შემოიღო. „რის გამოც დათურ სამსახურს უწევდნენ სკოლას და შედეგად ასეთივე მიუღიათ.“ /ვახუთი „სამშობლო“, 1916, №280/

1917 წლის რევოლუციამ გააუქმა ძველი სკოლა და დაიწყო სასწავლო-რეფორმისტული მოძრაობა: სკოლა სხვადასხვა დროს იწოდებოდა მე-5 საფაბრიკო-საქარხნო ქალ-ვაჟთა, ქალთა მე-8, მე-13 არასრულ და 21-ე საშუალო, მე-2 დაწყებით სკოლად. სკოლას სხვადასხვა დროს სათავეში ედგნენ დირექტორები: დიმიტრი უზნაძე, დ. ქუთათელაძე, ე. იმნაძე, ვ. ტყეშელაშვილი, გ. შუბლაძე, კ. ფანჭულიანი, მ. კუჭუხიძე, რ. ჯინჯოლია, მ. ფხაკაძე, ა. გაჩეჩილაძე, ქ. ნადირაძე, ზ. ხმელიძე.

21-ე საშუალო სკოლის შენობა ქეთევან ნადირაძის დირექტორობისას აშენდა, 1965 წელს. სკოლას მაშინდელი საბჭოთა კავშირის მასშტაბით საუკეთესო და მდიდარი მატერიალურ-ტექნიკური ბაზა ჰქონდა. ქალბატონი ქეთევან ნადირაძის თაოსნობით საფუძველი ჩაეყარა მოსწავლეთა თეორიულ-ტექნიკური კონფერენციების ჩატარებას. ქალბატონი ქეთევანი მრავალჯერ იყო არჩეული ადგილობრივი, საქალაქო, თუ რესპუბლიკური უმაღლესი ორგანოს დეპუტატად. ხშირად იბეჭდებოდა მისი სტატიები პედაგოგიურ გაზეთებსა და ჟურნალებში.

1995 წლის 25 ივნისს, მერიის 322-ე განკარგულებით, მე-2 და 21-ე ზოგადსაგანმანათლებლო

სკოლების დაწყებითი კლასების ბაზაზე შეიქმნა მე-2 დაწყებითი სკოლა, რომელსაც სათავეში ჩაუდგა ამ კოლექტივების მიერ არჩეული დირექტორი, ქალბატონი ციალა ჯაფარიძე. დირექტორის მოადგილედ მოიწვიეს „ქუთაისელი პედაგოგების მახვილი“ – ბატონი დავით ქომეთიანი. ქალბატონი ციალა დაჯილდოებული იყო უფროსი მასწავლებლის წოდებით, შრომის ნითელი დროშის ორდენით, მასწავლებელ-მეთოდისტის სამკერდე ნიშნით, სახალხო განათლების წარჩინებულის სამკერდე ნიშნით, გოგებაშვილის სახელობის საიუბილეო მედლით. იყო ქალთა საბჭოსა და საზოგადოება „ქუთაისელის“ დარბაზის საპატიო წევრი. მისი დირექტორობის დროს სკოლაში ფუნქციონირებდა სიმღერის გუნდი, რომელსაც ხელმძღვანელობდა ცნობილი ლოტბარი – ს. ვეფხვაძე, ქორეოგრაფული სტუდია, მ. ჩიქვილაძისა და გ. პაჭორაძის ხელმძღვანელობით.

სკოლაში პედაგოგიური საქმიანობის ჰუმანურ-დემოკრატიული სტილი დამკვიდრებული. მხარს უჭერს და ავითარებს პედაგოგთა და მშობელთა ინიციატივას, სკოლის მართვაში მონაწილეობას. მათი აქტიურობით გადაწყდა სასწავლო თუ მატერიალურ-ტექნიკურ ბაზასთან დაკავშირებული ბევრი პრობლემა. განხორციელდა სპორტული დარბაზის რეაბილიტაცია, ლია სპორტული მოედნის აღდგენა-მონყობა პრეზიდენტის ნაციონალური პროგრამა „გიორგი ნიკოლაძე“ – სპორტული მოედნების რეაბილიტაციის დაფინანსების ფარგლებში.

სკოლის მუშაობას საფუძვლად დაედო ეროვნული სასწავლო გეგმები და მიზნები, რომელიც მასწავლებლებს სთავაზობს მრავალმხრივ და საინტერესო საქმიანობას სწავლისა და სწავლების შედეგანობის ამაღლებისათვის.

გაიზარდა სწავლების თავისუფლების ხარისხი. ტარდება სიახლეებზე გათვლილი გაკვეთილები. პრიორიტეტულად არის მიჩნეული: სწავლების მაღალი ხარისხი, მოსწავლეთა აზროვნების აქტიუზაცია, ცოდნის დამოუკიდებლად მოძიება და მართვად პროცესად გადაქცევა, ურთიერთობის უნარის ფორმირება. ხარისხის ეფექტურად ამაღლებლად იზრდება სხვადასხვა რესურსების გამოყენების არეალი. ხდება საინფორმაციო-საკომუნიკაციო ტექნოლოგიების ჩართვა სასწავლო პროცესში, ინტერნეტ ქსელის გამოყენება.

პედაგოგები მიმართავენ პროფესიის რეგულირებას, მაღალი სტანდარტების დამკვიდრებას, ახლებური სწავლების პრინციპების ათვისებითა და პოპულარიზაციით წარმოაჩენენ ინიციატივებს მიმართ დადებით განწყობას.

სკოლის დირექცია, პედაგოგიური საბჭო და კათედრები ეხმარებიან მასწავლებლებს პროფესიული განვითარების სასარგებლო ღონისძიებების ორგანიზებაში. იძიებენ, რა გზით, რა მეთოდებით წარმართონ სასწავლო-აღმზრდელობითი პროცესი, რომ წარმატებით მიაღწიონ მიზანს.

სკოლის მუშაობის დონისა და შედეგანობის ამაღლებაში მნიშვნელოვანი ადგილი ეთმობა კავშირებს სამეცნიერო, შემოქმედებით დაწესებულებებთან, უმაღლეს სასწავლებლებთან.

ხდება კონსტრუქციული თანამშრომლობა მშობლებთან, მონაწილეობას ღებულობენ მათი შვილების მიღწევების გაუმჯობესებისათვის მიმართული ღონისძიებების დაწესებულებაში.

მოსწავლეთა თვითმმართველობის ზრდის სწრაფვას საზოგადოებრივი აქტიუობის გასაფართოებლად, წლის განმავლობაში ჯეროვნად იყვნენ ჩართული სასწავლო, კულტურულ, სამეურნეო საქმიანობაში.

მოსწავლეთა ცოდნის ქმედითობის ამაღლების, ინტელექტუალური განვითარების, შემოქმედებითი პოტენციალის, აზროვნების უნარისა და ჩვევების განმტკიცების, სიძნელეების გადალახვის და ორგანიზების უნარის განვითარების მიზნით სკოლაში ფუნქციონირებს წრეები, კლუბები, სპორტული სექციები, გახსნილია ქორეოგრაფიული წრე ნიჭიერი ბავშვების მხატვრული სრულყოფისათვის. ეწყობა შემეცნებითი და შემოქმედებითი ტიპის ღონისძიებები. გაიზარდა პროექტებსა და პროგრამებში, დათვლიერებებში, გამოფენებში, კონკურსებში, კონფერენციებში ჩაბმულ მოსწავლეთა რიცხვი.

მაღალი შედეგით აღინიშნა მოსწავლეთა მონაწილეობა 62-ე სასწავლო-შემოქმედებით კონფერენციაზე. თბილისის მოსწავლე ახალგაზრდობის ეროვნული სასახლის მიერ მოპოვებული წარმატებებისათვის ოცი ნიჭიერი და შემოქმედებითი საქმიანობით დაინტერესებული მოსწავლე დაჯილდოვდა I და II ხარისხის დიპლომებით.

სკოლაში ბევრია ისეთი მოსწავლე, რომელთაც აქვთ განსაკუთრებული მახასიათებლები: მუსიკალური, ქორეოგრაფიული, სახელოვნებო, სპორტული... აღსანიშნავია მასობრივი ლტოლვა ფიზიკური აღზრდისადმი.

წყობა ექსკურსიები ქართული კულტურის პროპაგანდის მიზნით სხვადასხვა თემატიკის გათვალისწინებით. მყარდება უშუალო და ქმედითი კავშირები სწავლებასა და ცხოვრებას შორის. იქმნება ფოტო და ვიდეომასალები. მზადდება რეპორტაჟები.

დაგროვილ ცოდნასა და გამოცდილებას სკოლა კვლავაც უშურველად გამოიყენებს ახალი მატერიალური, ინტელექტუალური თუ სულიერი ღირებულებების შესაქმნელად.

გვერდი მოამზადა მარინა უკლაძე

მასწავლებელთა მოსაზრებები საბამოსდო ტესტების აპრობაციის შედეგზე

მარინე უკლაბა

მასწავლებელთა სასერტიფიკაციო გამოცდების ჩატარების აუცილებლობა ერთგვარი „გაუგებრობა“ და აზრთა გაორება გამოიწვია. თუ რეალობას თვალს გავუსწორებთ, მასწავლებელთა უმცირესობა საჭიროდ მიიჩნევს ტესტირების გავლას, მაგრამ მოითხოვენ საგამოცდო საკითხების დაკონკრეტებასა და მეცადინეობისათვის ხანგრძლივ პერიოდს (არადა, უკვე ორი წელია, პროგრამები და შესაბამისი ლიტერატურა გამოცემულია!!!). პედაგოგთა უმრავლესობა კი კატეგორიულად ეწინააღმდეგება გამოცდებზე გასვლასა და ეჭვის თვალთ უყურებს მის შედეგებს. ალბათ, ეს ჩემი სუბიექტური აზრია, მაგრამ მინდა აღვნიშნო, რომ საგამოცდო სა-

კითხვების ზუსტი ნუსხის გამოქვეყნება ე.წ. დაზეპირების წყაპით და განსაკუთრებით გამორიცხულია პროფესიულ უნარებში, რომლის ტესტი იმ ბუნებრივ ნიჭს, ტაქტსა და გამოცდილებას მოითხოვს, რაც თითოეულ პედაგოგში უნდა იყოს. თქვენს გაზეთში ხშირად იბეჭდება და საზოგადოებაშიც მთავარი აზრია, რომ სახელმწიფოს მიერ გამოყოფილი ვაუჩერის შესაბამისად ტრენინგ-სემინარების მუშაობა არადა-მაკაყოფილებელია. ამჟამად ყურადღება მინდა გავამახვილო იმ მასწავლებელთა მოსაზრებებზე, რომლებმაც იმერეთის რეგიონში, კერძოდ, ქუთაისში გაიარეს ტესტის აპრობაცია პირადად მე, უკვე ორი წელია, ინტენსიურად ვმეცადინეობ გამოცდებისათვის და მიუხედავად იმისა, რომ ერთი კვირით ადრე მივმართე რესურსცენტრს, (სამუშაო, აპრობა-

ციაზე არ დამიშვეს), ეს პედაგოგები განსაკუთრებულ კმაყოფილებას გამოთქვამენ საგანმანათლებლო ცენტრ „ლიბოს“ მიერ განხორციელებულ პროგრამაზე, რომელიც ითვალისწინებდა მოსწავლეთა განვითარებისა და სწავლების თეორიების გამოყენებას სწავლის მოტივაციის ასამაღლებლად. მათ თითქმის ერთხმად აღიარეს, რომ აპრობაციის ტესტების ამოხსნისას ძალიან გამოადგათ ამ ტრენინგზე მიღებული ცოდნა, ამიტომაც დიდ მადლობას უხდებიან ცენტრის ხელმძღვანელებსა და ფსიქოლოგებს: **თამარ მიდელაშვილს, ლელა ტყემელაშვილს, ნანა კერატიშვილს, ქეთევან ფხალაგესა და ლიკა ცირეკიძეს.**

ბთაზაფხვთ პედაგოგთა ერთი ნაწილის მოსაზრებებს:

ელენე ჟღენტი, ქუთაისის №33 საჯარო სკოლის პედაგოგი: გავიარე სასერტიფიკაციო გამოცდების ე.წ. გენერალური რეპეტიცია. განსაკუთრებით თავისუფლად ვიგრძენი თავი პროფესიული უნარების ტესტზე მუშაობისას, რადგან საგანმანათლებლო ცენტრ „ლიბო მნტ“-ში გავლილი ტრენინგის წყალობით ამომწურავი პასუხები გავეცი კითხვებს, რომლებიც სწავლებისა და განვითარების თეორიების შეგნებულ ცოდნას მოითხოვდა.

მთვარისა კიკვაძე, ქუთაისის №38 სკოლის პედაგოგი: გავიარე „ლიბო მნტ“-ს მიერ ჩატარებული ტრენინგი (ტრენინგი – ლელა ტყემელაშვილი) პროფესიულ უნარ-ჩვევებში – „სწავლებისა და განვითარების თეორიები და მოსწავლეთა მოტივაცია“. ძალიან კმაყოფილი ვარ. აქ მიღებული ცოდნა გამოამდგა პრაქტიკულ საქმიანობაში, გაკვეთილების ჩატარების დროს და ასევე მასწავლებელთა სასერტიფიკაციო გამოცდების აპრობაციის დროს პროფესიულ უნარ-ჩვევებში. ვფიქრობ, დავალბებ სწორად ვუპასუხე. დიდი მადლობა ამისათვის.

რუსუდან ბაბუნაშვილი, ქუთაისის №38 საჯარო სკოლის პედაგოგი: მასწავლებელთა სასერტიფიკაციო გამოცდების აპრობაციის დროს პროფესიული უნარ-ჩვევების ტესტის ძირითადი ნაწილი შეიცავდა იმ საკითხებს, რომლებიც შესწავლილი და პრაქტიკულად დამუშავებული გვექონდა „ლიბო მნტ“-ს მიერ ჩატარებულ ტრენინგ-სემინარებზე (ტრენინგი – ქეთევან ფხალაგე). აქედან გამომდინარე, უნდა აღვნიშნო, რომ ამ ორგანიზაციის პროგრამა ნამდვილად შეესაბამება საგამოცდო საკითხების მოთხოვნებს, რის გამოც დიდ კმაყოფილებას გამოვთქვამ და ვურჩევ ჩემს კოლეგებს, მიმართონ აღნიშნულ ორგანიზაციას.

გულნაზი ცეცხლაძე, ქუთაისის №37 საჯარო სკოლის პედაგოგი: თქვენს გაზეთში

(18-24 თებერვალი, 2010 წელი)გამოქვეყნებული სტატიიდან „პედაგოგების სერტიფიკაციის შესახებ“ გამომდინარე, ყურადღება მინდა გავამახვილო პედაგოგ ფატი ფირუშვილის სიტყვებზე: „მართალია, არაკორექტულია ამის თქმა, მაგრამ მაინც გეტყვი, რომ მაინცდამაინც არ მაქვს ასეთი წარმოდგენა, რომ აქედან რაღაცას ღირებულს მივიღებდი... ტრენინგს პირად საუბარში ვკითხე, თუ როგორ გამოვიყენოთ ეს პრაქტიკაში. გვიბახუხა, რომ ეს პრაქტიკაში ასე არ ხდება, ანუ იმ ტრენინგს ფორმალური ხასიათი ჰქონდა“. თუმცა, აქ მითითებული არ არის ასეთი ფორმალური ტრენინგი რომელმაც ორგანიზაციამ ჩაატარა, მაგრამ ნამდვილად აღმეძრა სურვილი, გამოვიყენო ჩემი და ჩემი კოლეგების უდიდესი კმაყოფილება, საგანმანათლებლო ცენტრ „ლიბოში“ (დირექტორი – ქალბატონი თამარ მიდელაშვილი) გავლილი ტრენინგის შესახებ.

მასწავლებელთა სასერტიფიკაციო გამოცდების წინა პერიოდი აზრთა სხვადასხვაობით გამოირჩევა. განსაკუთრებით რთული მეგონა პროფესიული უნარების კურსი, რადგან არასწორი ინფორმაცია ვრცელდებოდა, თითქოს ეს ტესტები მოითხოვდა მათემატიკის საფუძვლიან ცოდნას, მაგრამ საგანმანათლებლო ცენტრ „ლიბოში“ გავლილმა ტრენინგმა დამარწმუნა, რომ ეს გამოცდა მხოლოდ პედაგოგიურ უნარს და ფსიქოლოგიური თეორიების კარგად ცოდნას მოითხოვს. ასე რომ, ტრენინგი არა მარტო სიახლეების გაცნობის, არამედ პედაგოგიური რწმენის გაღვივების პროცესიც იყო. გარდა ამისა, მადლიერების გრძობით უნდა აღვნიშნო, რომ ამ ორგანიზაციამ საჩუქრად გადმოგვცა სასწავლო პროგრამისათვის საჭირო რესურსების სრული პაკეტი: ლექსიკონი, ტესტები, ინტერაქტიური მეთოდებისა და სიტუაციური ამოცანების კრებულები, პორტფოლიო, რისთვისაც იმერეთის მსმენელ-პედაგოგთა სახელით დიდ მადლობას ვუხდით ორგანიზაციის ხელმძღვანელ ქალბ-

ატონებს: თამარ მიდელაშვილსა და მანანა ბოჭორიშვილს.

ნანული ჟორჯოლიანი, ქუთაისის იოსებოცხელის სახელობის №2 საჯარო სკოლა: განათლების რეფორმა რომ აუცილებელია, სადავო საკითხი როდია, მაგრამ მასწავლებელთა შემფორთებას ინვესტაცია საკითხთა ერთობლიობა, რომლებიც პედაგოგიკასა და ფსიქოლოგიურ დაკვირვებათა გათვალისწინებას გულისხმობდა. ჩვენდა სახედნეოდ, საგანმანათლებლო ცენტრმა „ლიბო“ შემოგვთავაზა თეორიას ის ჩამონათვალი, რომლებიც ჩვენს „გაჭირვებას“ უშველიდა. საგნებს უძღვებოდ ნენ მალალი დონის სპეციალისტები, რომლებიც პოპულარულ ენაზე, ჩვენთვის სწავლების გასაიოლებლად, გვიკითხავდნენ ლექციებს, სწავლების პროცესს მეტად შედეგიანი აღმოჩნდა. სამადლობელი სიტყვებით გვინდა მოვიხსენიოთ ცენტრის მთელი შემადგენლობა, განსაკუთრებით ქალბატონები: თამარ მიდელაშვილი, მანანა ბოჭორიშვილი და იმერეთის რეგიონის კოორდინატორი მარინე უკლაბა.

ლილია კვანტალიანი, ქუთაისის №10 საჯარო სკოლის პედაგოგი: საგანმანათლებლო ცენტრ „ლიბოში“ გავლილი ტრენინგის ერთ განსაკუთრებულ ნიუანსზე მინდა ყურადღება გავამახვილო. თეორიული კურსის შემდეგ ჩატარებული ტესტირების ანალიზი მოიცავდა იმ ხარულეებისა და ტერმინთა ახსნა-განმარტებას გაცილებით დეტალურად, ვიდრე ლექციის პროცესი. ამიტომაც ეს ტრენინგი ნამდვილად იყო პრაქტიკული ხასიათის და, რაც მთავარია, პედაგოგებისათვის სიახლეების გაცნობისა და ინოვაციური მეთოდების სწავლებაში გამოყენების ორიენტირი.

Учителя русского языка Кутаисской №41 публичной школы: Летом 2010 года преподавателям нескольких дисциплин предстоят экзамены по специальности и профессиональным способностям. Государство

финансирует тренинги. Свои услуги предложили разные организации, но мы, восемь учителей русского языка Кутаисской №41 публичной школы, остановили свой выбор на «Либо MNT», координатором которой является Уклуба Марина, а тренером – Ткешелашвили Лела.

Первая встреча, первые занятия и первые вопросы заданные тренером:

Что Вы ждете от тренингов?

Чего бы Вам хотелось узнать и получить от них?

Это как раз те вопросы, которые мы не раз задавали себе. идя на тренинги. Интересно было узнать, какой метод выберет тренер, чтобы заинтересовать и увлечь тех, за плечами которых не один десяток лет педагогического стажа; тех, которые честно, добросовестно и мужественно несли свою вахту на посту, несмотря ни на какие трудности; тех, которые без сожаления отдали лучшие годы своей жизни не только обучению целого ряда предметов, но и развитию способностей, внимания и памяти учащегося, учили их чему и как учиться; тех, которые отдавали «сердце детям» без остатка и щедро.

Но были приятно «удивлены», когда действительность превзошла ожидания. Высокий профессионализм, глубокое понимание психологического настроя слушателей и доброжелательная атмосфера обеспечили усвоение предоставленного нам, не такого уж и легкого, материала. В этом увлекательном процессе и тренеры и слушатели стали полноправными сотрудниками. На занятиях неоднократно были обсуждены вопросы и проблемы теорий педагогики и психологии, связанные с именами всемирноизвестных ученых, таких, как Гарднера и Блума, Пиаже и Бруннера, Узнадзе и Маслоу.

Этот тренинг, несмотря на свою краткосрочность, оставил на нас неизгладимое впечатление и мы с глубоким чувством уважения и благодарности простились с Ткешелашвили Лелой и Уклуба Мариной.

მოსაზრება

ისტორიის თარიღებთან დაკავშირებით

მინდა ჩემი მოსაზრება გამოვთქვა სასკოლო სახელმძღვანელოში მითითებულ თარიღებთან დაკავშირებით. სხვადასხვა სახელმძღვანელოში თარიღები სხვადასხვაგვარადაა მითითებული, რაც აბიტურიენტებში იწვევს გაურკვევლობას. მათთვის გაუგებარია, რომელი თარიღი უნდა მიუთითონ გამოცდის დროს, რომ შეცდომა არ დაუშვან.

მაგალითად: VI კლასის სახელმძღვანელოში „ძველი მსოფლიო ისტორია“ (ავტორები: ქეთევან თვალაშვილი, ცირა ჩიკვაძე, გიორგი ასანიძე), ასურეთის წარმოშობასთან დაკავშირებით მითითებულია, რომ „ქრისტეშობამდე III ათასწლეულის მეორე ნახევარში მდინარე ტიგროსის შუა წელი ახლად მოსული სემიტური ტომების ხელში გადავიდა“.

ხოლო XI კლასის სახელმძღვანელოში (ავტორები: ნოდარ ასათიანი, ნინო კიდურაძე, გიორგი სანიკიძე, ლალი ფირცხალავა) აღნიშნულია, რომ „ასურეთის სამეფო ჩრდილო მესოპოტამიაში, მდინარე ტიგროსის შუა წელზე ქრისტეშობამდე II ათასწლეულიდან არსებობდა“.

იმავე XI კლასის სახელმძღვანელოში დავით აღმაშენებელმა რუის-ურბნისის კრება მოინვა 1105 წელს. აქამდე ვიცოდით 1103 წელი.

თამარ მეფის დროს ბასიანის ბრძოლა მითითებული იყო 1202 წელს, XI კლასის სახელმძღვანელოში ბასიანის ბრძოლა 1205 წლითაა დათარიღებული. შემდეგ, პარაგრაფის ბოლოში მითითებულია 1205, 1203, 1204. ბოლოს და ბოლოს რომელი თარიღი უნდა მიუთითოს გამოცდის დროს აბიტურიენტმა, რომ შეცდომა არ დაუშვას? მით უმეტეს, რომ სახელმძღვანელოებში ასეთი უამრავი მაგალითი მოიძებნება. ხომ შეიძლება საბოლოოდ დადგინდეს თარიღები, რათა არ დაიბნეს გამოცდაზე მისული აბიტურიენტი?

იქნებ მიაქციოს ყურადღება ვინმემ ამ საკითხს, რომ სხვადასხვა სახელმძღვანელოში არ იყოს მითითებული განსხვავებული თარიღები.

ლელა ჩიტორელიძე
ისტორიკოსი

ინფორმაცია

კონკურსი მწერლის შემოქმედებას ეძღვნება

ლანჩხუთის მუნიციპალიტეტის საგანმანათლებლო რესურსცენტრმა მასპინძლობა გაუწია კულტურული მემკვიდრეობისა და ტურიზმის განვითარების ცენტრის სამსახურს – რესურსცენტრის სააქტო დარბაზში შედგა საგანმანათლებლო პროექტ-კონკურსში – „ჩვენ და ეგნატე ნინოშვილი“ გამარჯვებული მოსწავლეების დაჯილდოება. კონკურსი ეგნატე ნინოშვილის საიუბილეო თარიღთან დაკავშირებით კულტურული მემკვიდრეობისა და ტურიზმის განვითარების ცენტრმა გამოაცხადა, რომელიც IX-XII კლასის მოსწავლეებისათვის იყო განკუთვნილი. თუმცა, როგორც შემდეგ გაირკვა, უფრო პატარებსაც გამოუთქვამთ მონაწილეობის სურვილი, და არც თუ უშედეგოდ, ზოგიერთი კონკურსის გამარჯვებულიც გახდა.

კონკურსის პირველ ეტაპში 100-მა მოსწავლემ მიიღო მონაწილეობა, საიდანაც 24 გამარჯვებული გამოვლინდა. პირველ ადგილზე გავიდა 12, მეორეზე – 8 და მესამეზე 4 მოსწავლე.

კონკურსში ყველაზე მეტი გამარჯვებული სუფსის და მესამე საჯარო სკოლებს ჰყავდათ – 6, მათ ნიკეზიანი მოსდევდა – 4, ნინოშვილსა და ჩიბათს – 2-2, წყალმინდის, მამათის, ლესის და პირველი საჯარო სკოლიდან თითო მოსწავლის ნაშრომი აღინიშნა.

დაჯილდოებას გამარჯვებული მოსწავლეების გარდა, მათი გულშემატიკვარი პედაგოგებიც ესწრებოდნენ. გამარჯვებულებს საჩუქრ-

ები გადასცა კულტურული მემკვიდრეობისა და ტურიზმის განვითარების ცენტრის დირექტორმა, ბატონმა ფირუზ გუჯაბიძემ და პროექტის მენეჯერმა, მაია ჯიმშელიაშვილმა, რომელიც უშუალოდ ხელმძღვანელობდა პროექტის განხორციელებას.

საჩუქრების გადაცემა ახალი ტრადიციისამებრ მეორე და მესამე ადგილოსნების დაჯილდოებით დაიწყო, მათ უბის ნიგნაკები ერგოთ, ხოლო პირველი ადგილის მფლობელებს ზოია ტულუშის ნიგნები გადაეცათ – „მოგონებები ნინოშვილზე და გურული ლექსიკა“.

ფასიანი საჩუქრების გარდა, კონკურსში გამარჯვებულებს ფერადი სიგელები გადაეცათ. აღსანიშნავია, რომ სიგელებით დააჯილდოვეს, ოლონდ შავთეთრით, ყველა დანარჩენი მონაწილეს პროექტში აქტიური მონაწილეობისათვის. პროექტების მენეჯერმა, მაია ჯიმშელიაშვილმა ბავშვებს მიულოცა გამარჯვება და აღნიშნა, რომ საგანმანათლებლო პროექტი – „ჩვენ და ეგნატე ნინოშვილი“ გრძელდება. მეორე ეტაპში მონაწილეობის მსურველები, თვის ბოლომდე უნდა დარეგისტრირდნენ.

გამარჯვებული მოსწავლეები დაჯილდოების პარალელურად შთაბეჭდილებებსაც გვიზიარებდნენ. მართალია ეგნატე ნინოშვილი სასწავლო პროგრამებში არ არის შეტანილი, მაგრამ მისი შემოქმედების არცოდნა გურულებს არ გვეპატივბაო, ამბობდნენ ისინი.

XIX საუკუნის დასასრულისა და XX საუკუნის დასაწყისის ლიტერატურულ მიმდინარეობათა ისტორიიდან

ქსპრესიონიზმი



რუბრიკას უძღვება ილია ჭავჭავაძის სახელმწიფო უნივერსიტეტის პროფესორი გელა წიფურიძე

ხელოვნების ისტორიაში შემონახული ერთი ანეკდოტი ასე მოგვითხრობს ტერმინ „ექსპრესიონიზმის“ დაბადების ამბავს: ხელოვნების ქმნილებათა ცნობილ კოლექციონერ, პაულ კასიერერს, ბერლინის „სეცესიონის“ სხდომაზე, 1910 წელს, პენსიების სურათის ცქერისას უკითხავს: „ეს რაღაა, ესეც იმპრესიონიზმია?“ – „არა, ეს ექსპრესიონიზმია“ – მიუღია ანაზღად პასუხი: ასეთ თუ ისე, სწორედ იმ ხანებში, საკუთარი კი 1911 წელს ეს ტერმინი უკვე იკითხება გერმანული ჟურნალის, „შტურმი“ („გრიგალი“) ფურცლებზე. ჟურნალის გამომცემლის, ჰერმან ვალდენის მცდელობით, „შტურმი“ გერმანული ექსპრესიონიზმის ერთ-ერთი ბურჯი გახდა.

ლიტერატურისმცოდნეთა თუ ხელოვნებათმცოდნეთა ნაშრომებში ტერმინ „ექსპრესიონიზმი“ გახმიანების სხვა ვერსიებსაც შეხვდებით, მაგრამ უდავო ჭეშმარიტებად არის მიჩნეული ის ფაქტი, რომ ექსპრესიონიზმი, როგორც მოვლენა, დაუპირისპირდა იმპრესიონიზმს, როგორც იმ დროის ხელოვნების ერთ-ერთ უმნიშვნელოვანეს მიმართულებას.

საზოგადოდ, როგორც იმპრესიონისტული, ისე ექსპრესიონისტული მსოფლალქმის ტიპი მოდერნისტული მსოფლმხედველობის ფარგლებში ვითარდება. უმთავრესი განმასხვავებელი ნიშანი ამ ორ მიმართულებას შორის სწორედ გარესამყაროსა და საკუთარი თავის აღქმის პერსპექტივაა. თუკი იმპრესიონიზმში პიროვნება საკუთარ თავს შეიცნობდა გარესამყაროდან მიღებულ შეგრძნებათა და შთაბეჭდილებათა მეშვეობით, ექსპრესიონიზმის ერთ-ერთ ამოსავალ პრინციპად ცხადდება სუბიექტის პი-

როვნულ განცდათა გამოხატვა და გარესამყაროს ზეგავლენის უგულებელყოფა. ეს კონტრასტი სრულიად ცხადად არის გამოვლენილი თავად ტერმინებში: „იმპრესიონი“ ფრანგულად შთაბეჭდილებას ნიშნავს და ეს მიმდინარეობაც შთაბეჭდილებათა ფიქსირებაზეა ორიენტირებული; „ექსპრესიონი“ კი გამოსახვას ნიშნავს და ექსპრესიონიზმშიც მიზნად ისახავს, დააფიქსიროს არა გარესამყაროს ზეგავლენა პიროვნების სულიერ და ემოციურ სამყაროზე, არამედ ხელოვნების შინაგანი სამყაროს ზეგავლენა გარესამყაროზე. ექსპრესიონისტული აღქმა მართლაც კონცენტრირებულია პიროვნების ირგვლივ. სამყაროს ცენტრში დგას სუბიექტი, რომელიც ცდილობს, საკუთარი პიროვნული ნება გაიაზროს, როგორც ერთადერთი ფასეულობა, ერთადერთი ჭეშმარიტება. მაგრამ ხშირად ამგვარი პიროვნული თვითკონცენტრაცია ერთგვარ აგრესიასაც კი იწვევს გარესამყაროსადმი. საზოგადოდ ექსპრესიონიზმი უარყოფს ინდივიდისა და გარესამყაროს თანხმობის იმპრესიონისტულ პრინციპს, რამდენადაც ეს თანხმობა ამჯერად მხოლოდ ილუზიად აღიქმება. ამისდა საპირისპიროდ ექსპრესიონისტული მსოფლალქმა ცდილობს, წარმოაჩინოს და გაიციანობიეროს ის დისპარმონია, რომელსაც მოუცავს სამყარო. ექსპრესიონისტული ხელოვნება გამოხატავს პიროვნების პროტესტს დისპარმონიული, არსდარღვეული სამყაროსადმი. ის ამძაფრებს სუბიექტურ აღქმას სწორედ იმდენად, რამდენადაც ინდივიდის თვალთახედვა არის ერთადერთი კრიტერიუმი გარესამყაროს შინაგან წინააღმდეგობათა აღსაქმელად და გასაცნობიერებლად. სწორედ ამიტომ ექსპრესიონისტულ ხელოვნებაშიც შესაგრძობია ფორმათა დისპროპორცია (რეალური სამყაროს დეფორმაციის გამომსახველი) და მხატვრულ სახეთა კონტრასტულობა (სამყაროს წინააღმდეგობრიობის გამომსახველი).



ვასილი კანდინსკი, „კომპოზიცია“

ხელოვნების ქმნილებათა მეშვეობით შემოქმედი ცდილობს, ჩასწვდეს მოვლენათა სიღრმისეულ მნიშვნელობას, სამყაროს ფარულ არსს, რომელიც ძნელად აღსაქმელია ხილულ საგანთა მიღმა. ხელოვანი მიიჩნევს, რომ სამყაროს ჭეშმარიტ სახეს ჩვენგან ფარავს მატერიალური სამყაროს გაუცხოებელი ზედაფენა, მაგრამ საგანთა უღაპირი უკვე ვეღარ უძლებს სიღრმისეული არსის ქვემოლას, ის სკდება, დეფორმირდება და ამ პროცესის განჭვრეტა ყველაზე უნის სწორედ შემოქმედს შეუძლია. ამ გზით განჭვრეტს ექსპრესიონისტული ხელოვნება იმ ფაქტსაც, რომ სამყაროს შინაგანი წინააღმდეგობრიობა უცილობლად უნდა გამოვლინდეს გარეგნულ დაპირისპირებათა სახით. XX საუკუნის ათიანი წლების დასაწყისში შექმნილი ნაწარმოებები აღსავსეა კატასტროფის მოლოდინით, რაც რეალურ სამყაროში პირველი მსოფლიო ომის სახით ვაცხადდა. მსოფლიო მასშტაბის ძვრები, ტრადიციულ თვალთახედვასთან დაპირისპირება, პიროვნების ამბოხი რეალობის, სოციალური წყობის, უსამართლობისა და ძალადობის წინააღმდეგ ექსპრესიონისტული ხელოვნების უმთავრეს თემებად იქცა. ამჯერად მხატვარი მიზნად ისახავს არა სოციალური პროცესების გამთლიანებული სურათის შექმნას, არამედ შინაგანი რღვევის გამომსახველი ცალკეული მომენტების აქცენტირებას. ამასთანავე, ამგვარი მომენტები ექსპრესიონისტულ ხელოვნებაში გაზვიადებული ფორმითა და მასშტაბით არის გამოსახული. სწორედ ამიტომ ჰიპერბოლიზაცია ექსპრესიონიზმის ერთ-ერთი ყველაზე პოპულარული მხატვრული ხერხია. შემოქმედის შინაგანი მღელვარება, დაუოკებელი მისწრაფებანი, განცდათა ინტენსივობა გარესამყაროს რღვევის გამომსახველი ცალკეული ფორმების ფონზეა წარმოჩენილი. ამგვარი ფორმები თანდათანობით კარგავენ ყოველგვარ კონკრეტულობას. ისინი სულ უფრო და უფრო ნაკლებად გვაგონებენ რეალური სამყაროს საგნებს და გარდაისახებიან აბსტრაქტულ ფიგურებად; ვითარდება აბსტრაქციონ-

ნიზმი, როგორც საგნობრივი, მატერიალური სამყაროსა და სუბიექტის შინაგანი სამყაროს შეუსაბამობის გამომსახველი მიმართულება XX საუკუნის ხელოვნებაში. აი, რას წერს ექსპრესიონიზმის ერთ-ერთი თეორეტიკოსი კონრად ფიდლერი: „ხელოვანი კი არ ასახავს ან გარდასახავს სამყაროს, არამედ ქმნის საკუთარ და განსაკუთრებულ სამყაროს, სადაც მათი დამოუკიდებელს რეალური სამყაროსაგან“. ამგვარი გამომსახველობისას ხელოვნების ქმნილებებში, შესაძლოა, კიდევ ამოიცნობოდეს ბუნების რეალური ფორმები, მაგრამ შემოქმედი მიზნად არ ისახავს ანალოგიათა დაფიქსირებას; მას სწორედ იმ ფაქტის წარმოჩენა სურს, რომ პიროვნების შინაგან სამყაროსა და გარესამყაროს შორის აღარც კი არსებობს ანალოგია, ისევე, როგორც აღარ არსებობს შინაგანი შესაბამისობა და ურთიერთაკავშირი მთელ სამყაროში. რამდენადაც მატერიალური სამყაროს კონკრეტულობა შემოქმედისათვის სრულიად გაუგებარ მოვლენად იქცევა, ხელოვნების ქმნილებაში ის მიმართავს აბსტრაქტულ ფორმებს, „არა კონკრეტულობა, არამედ აბსტრაქტული წარმოდგენა; არა რეალობა, არამედ სული“; – ასეთია ექსპრესიონიზმის ერთ-ერთი ლოზუნგი. ამგვარად იქცევა შემოქმედის მიზნად არა დაკვირვება ცხოვრებაზე, არამედ საკუთარი ხედვის გამაფრება. და თუ ამ პროცესში გამოიკვეთება შეუსაბამობა, დისპარმონია, ქაოსი, დისპროპორცია, ხელოვნების ქმნილება კიდევ უფრო გაამძაფრებს ამ მოვლენათა სურათს.

რასაკვირველია, ექსპრესიონისტული მიმდინარეობა კრიზისული ეპოქის მოვლენაა, მაგრამ აქ იგულისხმება არა საკუთრივ მხატვრული ფორმების ან ხელოვნების გამომსახველობითი ხერხების კრიზისი, არამედ ის ზოგადი სულიერი და ინტელექტუალური კრიზისი, რომლის წინაშეც დგას ევროპული სამყარო. თუკი XIX საუკუნის ბოლოს ეს კრიზისი ფრანგულ კულტურაში სიმბოლიზმის და იმპრესიონიზმის სახით გამოიხატა, XX საუკუნის გერმანულმა კულტურამ ექსპრესი-

ონიზმის სახით განავითარა მოდერნისტული ეპოქის პრობლემატიკა. შეიძლება ითქვას, რომ ეს პრობლემები, სიმბოლიზმის მეშვეობით, უკვე ნაცნობი იყო ევროპულ ხელოვნებისათვის, მაგრამ ექსპრესიონიზმმა კიდევ უფრო გაამძაფრა მათი აღქმა და საკუთარი გამომსახველობითი სისტემის მეშვეობით წარმოაჩინა პროტესტი პიროვნებისა, რომელსაც სურს საკუთარი ნებელობის, ინტელექტის, ინტუიციის, ინდივიდუალობის ძალით შეენინააღმდეგოს გარესამყაროს რღვევასა და კრიზისს; რაც ყველაზე ნიშანდობლივია, ის სწორედ ამ გზით ცდილობს, დაძლიოს ან უგულებელყოს საკუთარ არსებაში ფესვგადგმული კრიზისი.

ექსპრესიონიზმმა, როგორც ხელოვნების მიმართულებამ, XX საუკუნის დასაწყისში მოიცვა გერმანული და ავსტრიული კულტურა, აგრეთვე ის ქვეყნები, რომლებიც მსოფლალქმის ტიპით უახლოვდებოდნენ აღნიშნულ არეალს; უნგრეთი, რუმინეთი, ხორვატია, პოლონეთი, სკანდინავია. ჩაისახა რა პოეზიასა და მხატვრობაში, ექსპრესიონიზმი შეიჭრა ხელოვნების თითქმის ყველა სფეროში: იქმნებოდა დრამატურგია, თეატრი თუ კინო-ხელოვნება, მუსიკა თუ არქიტექტურა.

ექსპრესიონისტული პოეზიის წინამორბედად გერმანულ ლიტერატურაში გეორგ თრაქლი ცხადდება. მის კვალიდან ექსპრესიონისტული მსოფლალქმა და მგრძობელობა მუშავდება გეორგ ჰეიმის, ფრანც ვერფელის, ერნსტ შტადლერის, ალბერტ ერენმეტერის, ელზა ლასკერ-შულერის პოეზიაში. გერმანული ლიტერატურული ჟურნალები „შტურმი“ („გრიგალი“) და „აქციონი“ („ქმნილება“) XX საუკუნის ათიან და ოციან წლებში თანამიმდევრულად ეწოდნენ ექსპრესიონისტული თეორიისა და პრაქტიკის პოპულარიზაციას. 1914 წელს დაიწერა პირველი ექსპრესიონისტული დრამა, ჰაინრიხ კლეინის „ვაჟივილი“, თეატრსა და დრამატურგიაში ეს მიმართულება აღინიშნა მოქმედების სიმძაფრითა და ბიძგისებრი, არათანამიმდევრული განვითარებით, მასშტაბურობით, გმირისა და მასის დაპირისპირების



ელზა ლასკერ-შულერი

საუბრაბი ლიბერატურაზე

მარადიული თემის გამაფრებელი... იოჰანეს ბეხერი, გოტფრიდ ბენი, პა-ულ ცეხი, კურტ ადლერი, ერნსტ ტო-ლერი ქმნიან XX საუკუნის დრამა-ტურგის მნიშვნელოვან ნაწარმოე-ბებს. პროზაში - რომანსა და ნოვე-ლაში - ექსპრესიონისტული სტილი გამოვლინდა ავტორისეული მონო-ლოგის ტექნიკაში, მსოფლმხედვე-ლობრივ პრობლემათა აქცენტირე-ბაში. ამ სტილურ ნიშნებს განიხილა-ვენ იმგვარი დიდი პროზაიკოსების შემოქმედებაში, როგორებიც არიან ფრანც კაფკა და ჰერმან ჰესსე.

ნელ მხატვართა დაჯგუფებანი „ხი-დი“ (დრეზდენი, 1905წ.) და „ცისფე-რი მხედარი“ (მიუნხენი, 1911 წ.) გა-ნავითარებენ პოლ გოგენის, ვინ-სენტ ვან გოგის, ედუარდ მუნკის შემოქმედებაში ჩასახულ ტენდენ-ციებს. ე. ლ. კირხნერი, მ. პენშტეინ-ნი, ე. ხეკელი, ვ. კანდინსკი, ფ. მარ-კი აყალიბებენ სახვითი ხელოვნე-ბის ახალ მიმართულებას. 1916 წელს ვასილ კანდინსკი ქმნის პირ-ველ აბსტრაქტულ კომპოზიციას. ჩვენი საუკუნის პირველ ათწლე-ულში, გ. მალერისა და რ. შტრაუსის მუსიკალურ ქმნილებებში აღინიშნა

ექსპრესიონისტულ ტენდენციათა მოზღვაება, მაგრამ ა. შონბერგის, ა. ბერგის, ა. ვებერნის შემოქმედება საკუთრივ აყალიბებს ექსპრესიო-ნისტულ მიმდინარეობას მუსიკაში. პიროვნების შინაგანი პოზიცია, გა-რესამყაროსთან დაპირისპირება მათ მუსიკალურ ნაწარმოებებში მე-ლოდიისა და ტონალური საფუძველ-ების უარყოფის გზით გამოვლინდა. XX საუკუნის დასაწყისში, 1915-25 წლებში კინოხელოვნებამ ასახა ექსპრესიონისტული ტენდენციები. ფილმის დრამატურგიული მასალის დამუშავებისას გაიზიარეს ექსპრე-

სიონისტული მწერლობის თემები და პრობლემები: მისტიური სიუჟე-ტები, პიროვნების ფატალური გან-წირულობის განცდა, გარესამყა-როს დამორგუწველი ზეგავლენა ცოცხალ ქმნილებებზე. ექსპრესი-ონისტული მხატვრობის გამოცდი-ლება კი აისახა ფილმის ვიზუალუ-რი სახის შექმნისას: ცოცხალი ნა-ტურის ნაცვლად მოქმედება ვი-თარდებოდა აბსტრაქტულ დეკო-რაციასში, შუქ-ჩრდილთან კონტ-რასტული მონაცვლეობის ფონზე. ექსპრესიონისტულ ფილმთა შორის ასახელებენ „დოქტორ კალიგარის

კაბინეტს“ (1919, რეჟ. რ. ვინე), „ნოსფერატუს“ (1922, რეჟ. ფ.მ. მორნაუ), „ცვილის ფიგურათა კაბი-ნეტს“ (1925, რეჟ. პ. ლენი). ქართულ ხელოვნებაში არ ჩამო-ყალიბებულა ექსპრესიონისტული სკოლა ან დაჯგუფება, მაგრამ კონ-სტანტინე გამსახურდიას ადრეულ ნოველებში თუ კოტე მარჯანიშვი-ლის ცალკეულ დადგმებში სავსე-ბით ცხადად შეინიშნებოდა ექსპ-რესიონისტული მსოფლმხედვის მოზღვაება და ამ მიმდინარეობი-სათვის დამახასიათებელი გამომ-სახველობითი ნიშნები.

გუთრე თრატ/ცაი

დაისის მხარე

მე-4 რედაქცია ელზა ლასკერ-შულერს, მოკრძალებით

1. ლურჯი მღვიმიდან, როგორც მკვდარი, გამოდის მთვარე, და ქვოვან ბილიკს მირიადი ყვავილი აწვიმს. ვერცხლოვანია სნეულების ტირილის ხმა მწუხრის ტბორის პირს. შავი ნავი დაუგდიათ და სიკვდილი წყალში უპოვინათ შეყვარებულებს. ხოლო კორომზე, სუმბულთ შორის, ელისის ფეხის ხმა - წკრიალი იღვრება და მუხიანში იკარგება ჟამიდან ჟამზე. ჰოი, ყრმის სახე, ბროლის ცრემლთაგან და ღამეულ აჩრდილთაგან ჩამონაკეთული! მარადივი საფეთქელი კბილცეცხლოვანი ელვის ძალით ინათებს კვალად, მწვანე ქედებს გაზაფხულის ავდარი როს დაეუფლება.

2. სავსე არიან რაოდენი ჰაეროვნებით ტყეები ჩვენი სამშობლოსა და - ჩამოქცეულ კლდეთა ფერხითი დამსხვრეული ბროლის ტალღები; ძილი მოთქმად გადაგვქცეოდა; ეკლოვან სხლეტთა გაყოლებით მგალობენ სეირნობენ



მწუხრის ზაფხულჟამს, ვენახთა შორის ფენილი ნათლის წმინდა სიმშვიდეს ალუფსია ნაბიჯი მათი; აი, ჩრდილები - მგლოვიარე არნივები - ყინულოვან სტომაქში ღამის. ნაზად აშუშებს სევდის ალისფერ ჭრილობებს მთვარე.

3. ჰოი, თქვენ, დილო ქალაქებო, ქვით ნაშენო ვაკემინებზე! ასე კაცი უსამშობლო

მდუმარედ მისდევს, სახეჭუფრი, ქარის დინებას, ბექსშეფენილ შიშველ ხეთა რიგს. თქვენ, ყოველგან მომაკვდავო მდინარეებო! ოდეს დაისის სამიმ წითელს აღმოვაჩინთ ავდრის ღრუბლებში, უსაშველო აგვიტანს ძრწოლა. დასალუპად განწირულო, ჰოი, ხალხებო! უძლურ ტალღებად მიემსხვრევით ღამის ნაპირთ, ვარსკვლავებო, ჩასაქცევად განწირულებო!

DE PROFUNDIS

ველი ნამკალი, აი, სად წვიმს შავბნელი წვიმა. ხე მოჟამული, აი, რა დგას განმარტობით. ქარი ავსული, აი, რაა უკაცური ქობნახების ბატონ-პატრონი.

ჰოი, რარიგად მწუხარეა საღამო ესე.

ობოლი გოგო ტბორის პირს ძუნწად შემორჩენილ თაველს მშვიდად მიმოაგროვებს. მწუხრის ბინდ-ბუნდში გავლებული მისი თვალები ოქროვანი ბრწყინვალეებით აღივსებიან, ზეციურ საქმროს მოუთმენლად მოელის საშო. უკუქცევის ჟამს ეკალ-ბარდში მწყემსებმა ნახეს გახრწილებამორეწილი ტკბილი სხეული.

მე ვარ აჩრდილი შორეული და ბნელი სოფლის. ღმერთის სიჩუმეს მივირთმევედი ტყის წიაღში შობილი ჭიდან.

ჩემს სახეზე ცივმა რკინამ გადაიარა. გული ჩემი ობობებმა დაისაკუთრეს. აი, სხივი, ჩემს ბაგეზე რომელიც გაქრა.

ღამით, ვერან და უკაცრიელ ალაგად შთენილს გარს მეჯარვოდა ნაგავი და მტვერი ვარსკვლავთა. კვლავაც გალობენ თხილნარში ბროლის ანგელოზები.



„ის დაბრუნდება ისევ, პირიმზევ...“

ღვთაებრივ რითმებში განავრცო, რათა ჩვენ, უბრალო მოკვდავთ, მიგველო ის დიდი სიამოვნება, რითაც ჩვენი სულები აამბლდა და გაამდიდრა თავისი ლექსებით. ანას ლექსები სავსეა სინამდისით, სილამაზით, ადამიანების, საერთოდ ქვეყნიერების სიყვარულით, მათ შორის მრავალი შედეგ-რია.

ციური პოეტი: მხოლოდ და მხოლოდ ცას ეკუთვნის, ციურ ჰანგათა შემოქმედია. პოეტ-თა ქვეყანაში ანასებრი პოეტი ქალი ადრეც უნდა დაბადებულიყო, დამშვენდებოდა დიდ წინაპართა შორის ყოფნა. პოეზიის თარგმნა რომ შეიძლებოდეს, ანას ნობელის პრემიას მიანიჭებდნენ... მაგრამ მთავარი ეს არ არის... მთავარი ის არის, რომ ანა, ჩვენ, ქართველებს გვყავს, როგორც ღვთისგან ბოძებული დიდი ჯილდო.

მის თითქმის ყველა ლექსში „იდუმალის დიდებული სხივი კიაფობს... უზარმაზარი ფერადოვანი სამყარო ამოდის, სძრავს მთელს ჩვენს არსებას ან უკიდევანო სევდით, ან უკიდევანო სიხარულით“.

ამ სამყაროს შემქმნელი ქალბატონი ჩვენთან ერთად ცხოვრობდა, ცხოვრობდა ერთი შეხედვით, ჩვეულებრივი ცხოვრებით. მისი სისადავე, გასაოცარი იუმორი, სიხლოვე და სითბო იმდენად ბუნებრივი იყო, ნამიერად გავიწყდებოდა „ბიბლიიდან წამოსული“ „პო-ეზიის დედოფალი“ რომ იდგა შენს გვერდით, გავიწყდებოდა მისი სიმაღლე, ამიტომაც ვუ-ბედავდი სააღერსო სიტყვების თქმას: საყვა-რელო, ძვირფასო, ერთადერთო... - კარგი, გეყოფა - „შემომიტყედა“ შუბლშეკრული,

მაგრამ ღიმილით და სხვა თემაზე დაიწყებდა საუბარს.

ხშირად მიხმობდა სხვადასხვა შეხვედრა-ზე, - ხომ იცი, როგორ მიჭირს საკუთარი ლექსების ნაკითხვა, თუ დრო გაქვს, იქნებ დამიხსნაო. მეც სიხარულით გავრბოდი, რა-თა კიდევ ერთხელ მეგრძნო მასთან სიახლო-ვის ბედნიერება.

ანას შესახებ ბევრი რამ თქმულა და დაწე-რილა, მაგრამ არის ერთი ნაკლებ ნაცნობი... არ ვიცი, რა დაეარქვა, რომელ ჟანრს მივა-კუთვნო... თენგიზ ბუაჩიძის მიერ დიდი ხნის წინათ ნათქვამი, რომელიც მინდა მცირე-დენი შემოკლებით შემოგთავაზოთ: „ანიკო, დაო, თუ მეშვედრე ხარ კოჭლი ტიტანის, ტატოდ ხმობილის, მთისმეტყველი ვაჟა-ფშა-ველას და იმ ნანვიმარ სილაში ვარდის უებრო მგოსნის, თუ იმ სამთა სულს შენს ნედლ სტვირზე ღვთიური ნამი, ცრემლის მსგავსი, უპკურება და დაულოცავს ქართული დგრი-ტის თაობიდან თაობებში გადასაცემად, ქარ-თულ სიტყვაში განცხადებულს, ქართულ სიტყვაში განმტკიცებულს შენს უკვდავებას შევხარი, როგორც ქართველობის უმტკიცეს საბუთს.

შენივე სიტყვით გეაღერებო. განა ღრუბლები როკით დაიძრენ შენს უღრმეს ცაში - სიტყვამ აზიდა სული მგონის და ანგელოსი მარმარილოდან მზისკენ გაფ-რინდა დაფინს გვირგვინით... ტირიან მთები, შენც ატირებდი, ოდეს შემოვა სახლში თუთა ზურმუხტისფერი და ოდეს ქარი გიმღერებს ნანას... შენივე სიტყვით გეაღერებო:

ანიკო, დაო, ბევრი წყარო, ბევრი ხევი ბე-თანამდე, სადაც სანთელი მარადისობის ინ-ვის ნიადაგ, წყარომ გაცოცხლა, თამარის ცრემლმა ხვეს აგარიდა პირდაბჩენილს, მტერს აგარიდა ბილნსიტყვიანს, ქვას აგარი-და შენსკენ ნასროლს, გზას აგარიდა ღალა-ტიანს და გაგიყვანა ბეთანიისკენ, სანთელი მარადისობის ინვის ნიადაგ...

იპოვე შენი წმინდა სავსება ამაოების წინაშე ფარად, კვლავ ჩამესმება შენი ლულუნი აქაც და იქაც. იქაც, ხომ იცი „იქაც“ რას ნიშნავს, რადგან, როდესაც გადავალთ იქა, აღარაფერი აღარ იქნება, ოდენ ამოვა სული შენი მინაზე იად და კვლავ მოვლენილ ერთ ქართულ გო-გოს სულს ჩავღვრება სული შენი იად მოსული.

ის ვერ მიხვდება რა ხდება მის თავს, რა უცნობი და უცნაური ძალა ამღერებს. და მხოლოდ სული, შენი სული ამ მთა-ველებზე, ამ ტყეებზე, მთლად შენს მამულზე მო-გან-ფენილი, იგრძნობს სადღაც „იქ“ უკვდავებას ქართული სიტყვის, როგორც მათ იგრძნეს - კოჭლმა ტიტანმა, მთისმეტყველმა და იმ ნანვიმარ სილაში ვარდის ერთმა მგოსანმა, შენი მოსვლით, საკუთარი სი-ცოცხლისა და ქართული სიტყვის მარადიუ-ლი უკვდავება“.

..... არ ვიცი როდის, ადრე თუ გვიან, ის მართ-ლა მოვა.

„ის დაბრუნდება მთვარის სხივებით ისევ პირიმზევ, ეს ხომ ასეა“.

მოსწავლეთა კომპანია



13 მარტს, თბილისის 61-ე საჯარო სკოლაში (დირექტორი – შოთა მანჯავიძე) პროექტის „მოსწავლეთა კომპანია“ პრეზენტაცია შედგა. აღსანიშნავია, რომ ამ პროექტს „ჯუნიორ ერივენტ – საქართველო“ უკვე მეორე წელია საქართველოს საჯარო სკოლებში წარმატებით ახორციელებს. დღეისათვის პროექტი საქართველოს 11 საჯარო სკოლაში ხორციელდება. შარშან კი, 200-მდე სკოლა მონაწილეობდა.

მირანდა თელია, სამოქალაქო ეკონომიკის საგნის პედაგოგი: „ჯუნიორ ერივენტ – საქართველო“ პროექტი „მოსწავლეთა კომპანია“, დიდი ხანი არ არის, რაც საქართველოს საჯარო სკოლებში წარმატებით ხორციელდება. 61-ე საჯარო სკოლაში პროექტის განხორციელება ერთი თვის წინ დაიწყო. პროექტის მიზანია, ახალგაზრდებს გააცნოს ბიზნესი და ეკონომიკა, დაანახოს თავისუფალი მენარმოების ღირსებები, გაუჩინოს პროფესიონალად ჩამოყალიბების სურვილი და აქციოს ისინი თავისუფალ მოქალაქეებად. პროექტი ხელს უწყობს მოსწავლის გონებრივ განვითარებას, სწავლობენ ბიზნეს საქმიანობას, პროექტების განხორციელებას, ბიზნესში ეთიკურ სვლებს, თუ რამდენად მნიშვნელოვანია ბიზნესში კეთილსინდისიერება. კლასში, სადაც სამოქალაქო ეკონომიკა ისწავლება, პროექტის ფარგლებში, იქმნება „მოსწავლეთა კომპანია“. მოსწავლეები

ქმნიან გუნდებს იმისათვის, რომ ჩამოაყალიბონ ბიზნეს ფირმა („კომპანია“), რომელიც ჩაებმება რაიმე მომგებიან ბიზნეს აქტივობაში. გუნდის წევრები არიან კომპანიის დამფუძნებლები. პირველ ეტაპზე, მოსწავლეები მუშაობენ მასწავლებელთან და მოხალისე მრჩეველთან ერთად, გადაიან ყველა პროცედურას: აფუძნებენ კომპანიას, არქმევენ სახელს, საზღვრავენ მისიას, ღირებულებებს და მიზნებს, იწყებენ ლიდერთა სტრუქტურის შექმნას და იწვრივებიან გუნდის ეფექტიანად ფუნქციონირებისათვის. შემდეგ იწყებენ მუშაობას კომპანიის დაფინანსების გეგმაზე. ამ ეტაპზე მოსწავლეები გადაიან ყველა ლეგალურ პროცესს ბიზნესის დაფუძნებისათვის, ემზადებიან და ეცნობიან ყველა ოფიციალურ მოთხოვნას, დოკუმენტებს და პროცესს, რაც საჭიროა ბიზნეს ერთეულის შექმნისა და რეგისტრაციისათვის. თუ ეს არის საბაზისო კომპანია, მაშინ მუშავდება აქციების შეთავაზების გეგმა. ვინაიდან პროგრამა სასწავლოა, უფრო გამარტივებული მეთოდით ვმუშაობთ. იდეის ირგვლივ მოსწავლეები ქმნიან პროდუქციას, რომელსაც შემდგომ ყიდიან. საწყისი კაპიტალი გროვდება აქციებით. კომპანიის წევრები ყიდიან აქციებს, კლასში, მასწავლებლებში, თავიანთ თანატოლებში. ამ თანხას სესხის სახე აქვს, რომელიც პროდუქტის რეალიზაციის შემდეგ აქციის მფლობელს უკანვე უბრუნდება.

დღევანდელ გამოფენა-გაყიდვაში მონაწილე ყველა კომპანიის წარმომადგენელი სპეციალური საერთაშორისო სერტიფიკატით დაჯილდოვდება. აღსანიშნავია, რომ ამ სერტიფიკატის გამოყენება მათ უცხოეთის იმ ქვეყნებშიც შეეძლება, სადაც „ჯუნიორ ერივენტი“ თავის პროექტებს ახორციელებს.

შოთა მანჯავიძე, 61-ე საჯარო სკოლის დირექტორი: „სამოქალაქო ეკონომიკის სწავლებას სერიოზულად მივუდევით, რაშიც დიდი დახმარება გაგვინია „ჯუნიორ ერივენტ – საქართველო“. საგნის პედაგოგის, ქალბატონ მირანდას ძალიანხმევით მოსწავლეებში საგანმა დიდი დაინტერესება გამოიწვია. დღევანდელი გამოფენა-გაყიდვა იმ ინტერესის, მონდომებისა და მუშაობის შედეგია, რომელსაც მოსწავლეები საგნის მიმართ იჩენენ.“

თამუნა ცერცვაძე, კომპანიის Exclusive პრეზიდენტი, XI¹ კლასის მოსწავლე: „პროექტმა „მოსწავლეთა კომპანია“ საშუალება მოგვცა აღმოგვეჩინა საკუთარი შესაძლებლობები. გავაკეთეთ სხვადასხვა სახის სამუშაოები, აქსესუარები. ვფიქრობ, ჩვენი პროდუქცია ნამდვილად მოხიბლავს დამთვალიერებელს. შემოსული თანხით ვვინდა ბავშვთა სახლს დავეხმაროთ. რაც შეეხება სკოლაში სამოქალაქო ეკონომიკის სწავლებას, ჩემი აზრით აუცილებელი და მნიშვნელოვანია. კომპანიაში 18 მოსწავლე ვართ განვერიანებული. ძალიან

დიდ დაინტერესებას იჩენენ ჩვენი თანაკლასელი ბიჭები, ისინი აქტიურად გვეხმარებოდნენ დღევანდელი დღის ორგანიზებაში.“

თამუნა ჯავახიშვილი, კომპანიის Exclusive წარმომადგენელი, XI¹ კლასის მოსწავლე: „დღევანდელ გამოფენა-გაყიდვაზე წარმოდგენილი პროდუქცია ჩვენი ხელით შევქმენით, რაც ძალიან მახარებს. აქციების საშუალებით შევიძინეთ აქსესუარების დასამზადებელი საჭირო მასალა და ჩვენი გემოვნებით დავამზადეთ სხვადასხვა სახის სამკაულები, თმის სამაგრები, თეფის აქსესუარები და სხვ. „სამოქალაქო ეკონომიკის“ სწავლებით ძალიან ბევრ საინტერესო და მნიშვნელოვან საკითხს გავეცანით. ჩვენს კომპანიაში თითოეულ მოსწავლეს თავისი საქმე აკისრია, გვყავს პრეზიდენტი, ვიცე-პრეზიდენტი, გაყიდვების მენეჯერი, პიარ მენეჯერი, თითოეულ ჩვენგანს თანამდებობაც და საქმეც განანილებული გვაქვს.“

ანა ბარათაშვილი, კომპანიის New look პრეზიდენტი, XI² კლასის მოსწავლე: „სამოქალაქო ეკონომიკის სწავლება წელს პირველად დაიწყო, საკმაოდ საინტერესო საგანია. თავდაპირველად, სანამ პროექტზე მუშაობას დაიწყებდით, გავიარეთ ბიზნესეთიკის კურსი. ეკონომიკის გაკვეთილი მნიშვნელოვნად განსხვავდება სხვა საგნებისგან. გაკვეთილის სწავლების პროცესი საკმაოდ ორიგინალური და საინტერესოა. ვფიქრობ, სკოლაში ეკონომიკის სწავლება უნდა გახდეს აუცილებელი და მნიშვნელოვანი.“

ლური და საინტერესოა. ვფიქრობ, სკოლაში ეკონომიკის სწავლება მნიშვნელოვანია. საშუალება მოგვცა კომპანიის საქმიანობა, მუშაობის პრინციპები, მათი შექმნის ისტორია, განვითარების ეტაპები, თუ როგორ ხდება კლიენტის მოზიდვა, რომელი ფერია რეკლამისთვის ყველაზე აქტუალური და ბევრი სხვა, ერთი შეხედვით, წვრილმანი საკითხი, რაც განაპირობებს ბიზნესში წარმატებას. პროექტის პირველ ეტაპზე გავყიდეთ აქციები და შემოსული თანხით მასალა ვიყიდეთ, რომლითაც სხვადასხვა სახის აქსესუარები გავაკეთეთ. დღევანდელ გამოფენა-გაყიდვაზე წარმოდგენილი გვაქვს სამკაულები – საყურები, სამაჯურები, თმის სამაგრები... გაყიდული პროდუქტიდან შემოსულ თანხას კვლავ აქციების მფლობელებს დაუბრუნებთ. პროექტში ჩვენი კლასიდან 10 მოსწავლეა ჩართული, მე კომპანიის პრეზიდენტი ვარ, კომპანიაში 4 ვიცე-პრეზიდენტი ვარ, კომპანიაში 4 ვიცე-პრეზიდენტი ვარ. ასევე, მოსწავლეთა კომპანია შედგება სხვადასხვა გუნდებისაგან, კერძოდ: ფინანსური, მწარმოებელი, მარკეტინგის, გაყიდვების და სხვ.“

ანი ბურდული, კომპანიის Mixed production პრეზიდენტი, XI¹ კლასის მოსწავლე: „სამოქალაქო ეკონომიკის ფარგლებში ბიზნესის ეთიკასაც ვსწავლობთ, რაც მნიშვნელოვანია წარმატებული ბიზნესის წარმოებისთვის. პროექტის „მოსწავლეთა კომპანია“ ფარგლებში გადავწყვიტეთ მოგვეწყობა პირველი გამოფენა-გაყიდვა. დამთვალიერებელი გაცნო ჩვენი სკოლის მეთერთმეტეკლასელთა კომპანიების მიერ წარმოებულ პროდუქციას. დღეს წარმოვადგინეთ ხელნაკეთი აქსესუარები – ქალის სამკაულები, საყურები, „აბადოები“, სხვადასხვა ლოგოთი გაფორმებული მაცივარზე მისაკრავი მაგნიტები. ვინაიდან ჩვენი პროდუქცია მრავალფეროვანია, გადავწყვიტეთ კომპანიისთვის შესაბამისი სახელი Mixed Production დაგვერქმია. შედეგით ნამდვილად კმაყოფილი ვარ. დღევანდელი პრეზენტაცია განსხვავებული და ორიგინალური რომ ყოფილიყო, ჩვენი კუთხე სხვადასხვა ფერის ჰელიუმის ბუშტებით გავაფორმეთ. გაყიდული პროდუქტიდან შემოსულ თანხას კვლავ აქციონერებს დაუბრუნებთ.“



„დიდი ქართული რომანი“, რომელსაც მკითხველი მუდამ ეყრდნობა

13 მარტს, თბილისის 26-ე საჯარო სკოლაში (დირექტორი – **ლიდა ნოდია**) გაიმართა ლიტერატურულ-მუსიკალური კომპოზიცია, რომელიც რევაზ ინანიშვილის შემოქმედებას მიეძღვნა. ღონისძიება მოამზადა **გულნაზი გელაშვილი**, ქართული ენისა და ლიტერატურის მასწავლებელმა, მუსიკალურად და მხატვრულად გააფორმეს: **მარინა ხარაძემ**, მუსიკის მასწავლებელმა და **ქეთევან თედორაძემ**, ხელოვნების მასწავლებელმა. მოწვეულ სტუმართა შორის იყვნენ მწერლის ოჯახის წევრები.

სასკოლო ღონისძიებაში ძირითადად მეცხრეკლასელები მონაწილეობდნენ. მოსწავლეებმა წარმოადგინეს სცენები რევაზ ინანიშვილის ნაწარმოებებიდან, ნაიკითხეს ამონარიდები, სტუმრებს არაერთი საინტერესო მუსიკალური ნომერი შესთავაზეს.

წამყვანები იყვნენ **ანა ფალიანი** და **გურამ ივანიძე**. რევაზ ინანიშვილის ნაწარმოებების პერსონაჟები განსახიერეს: უშიშა პაპა – **ზურაბ კვიციანიძემ**; მირანდუხტი – **ნინო წულაძემ**; ლი – **თამარ ჭილაძემ**; გომონა, რომელსაც ღამე შეუყვარდა – **ნინო ქოქოსაძემ**; მეფე ერეკლე – **ლევან იზორიამ**; ანანურელი ბიჭი – **დემეტრე ჭიაურულმა**; ბებიები – **სოფო მერაბიშვილი**, **ნინო აბელიშვილი**, **თეონა ცერცვაძე**; დედა ქეთევანი – **მერი ბიბილაშვილი**; თავადი ვიდგენშტეინი – **დავით ზარდიაშვილი**, ბეჟანა – **გიორგი გურგენიძე**.

ამონარიდებს მწერლის შემოქმედებიდან კითხულობდნენ: **ნინო** და **ელზა არჯევანიძეები**, **მარიამ აბულაძე**, **მარიამ ქარაბაგი**, **ანა ხანთაძე**, **ცოტნე კვიციანი**, **გივი ჯინჭარაძე**, **თამარ მერაბიშვილი**, **ვანიკო ყაულაშვილი**.

„ძალიან კმაყოფილი დავარჩი. ბავშვებს მშვენივრად აქვთ აღქმული ის, რაც ჩაფიქრებული ჰქონდა მწერალს თავის ნაწარმოებებში. გამართულად მეტყველებენ. ეს, რა თქმა უნდა, კარგი მასწავლებლის დამსახურებაა. ჯერ კიდევ რეზოს სიცოცხლეში ჩაატარა ამ მასწავლებელმა მსგავსი ღონისძიება და თვითონ რეზო ძალიან კმაყოფილი დაბრუნდა – შესანიშნავი ბავშვები არიან და შესანიშნავი მასწავლებელი ჰყავთო. მოგესხენებათ, მწერალს უხარია, როცა მის ნაწარმოებებს კარგად იგებენ. სასიხარულოა, სკოლას ასეთი კარგი მასწავლებელი რომ ჰყავს. მადლობის მეტი რა მეტყვია. ვუსურვებ, კიდევ ბევრი საინტერესო ღონისძიება ჩატარდეს.“ – **როზა ინანიშვილი**, რევაზ ინანიშვილის მეუღლე.

„დღეს ჩვენს სკოლაში დიდი ზემოქმედება იყო. საერთოდ, ჩვენ, ქართული ენისა და ლიტერატურის მასწავლებლები ვაღმერთებთ რეზო ინანიშვილს. ხშირად ვანჯობთ ინსცენირებებს მისი მოთხრობებიდან.“



ბატონი რეზოს სიცოცხლეშიც ჰქონდა ქალბატონ გულნაზს გაკეთებული უფრო დიდი ღონისძიება და ძალიან მოიხიბლა ბატონი რეზო. ახლაც ყურში ჩამესმის მისი სიტყვები: ერთ-ერთ ღონისძიებაზე ვიყავი და თავი ვერ ავნიე სირცხვილით, ეს აბდაუბდა რამ დამანერინაო (ეს, რა თქმა უნდა, თავმდაბლობით თქვა, როგორც ჩანს, არ ჰქონდათ კარგად გაკეთებული) და დღეს კი, მოსწავლეებს რომ მოეუსაბინე, სიამაყით აღვივსე, რა კარგად დამინერიაო. გულისტკივილით შემიძლია ვთქვა, რომ რევაზ ინანიშვილი ჯერ კიდევ არ არის სათანადოდ დაფასებული, როგორც ის იმსახურებს. ძალიან დიდი მწერალია. თითქოს პატარა-პატარა მოთხრობები აქვს, მაგრამ ამ პატარა მოთხრობებში ძალიან დიდი სათქმელი აქვს ჩადებული და ყველა ეს ნაწარმოები, სხვადასხვა თემაზე დაწერილი, ერთი დიდი რომანია – დიდი ქართული რომანი, დიდი ქართული სიტყვა. პრობლემები, რაზეც ბატონი რეზო თავის მოთხრობებში ამახვილებდა ყურადღებას, არსად არ გამქრალა, დღესაც აქტუალურია და დღესაც გვარდობს რეზო ინანიშვილი თავისი სიტყვებით, შეგონებებით და მინიშნებებით, რომ სხვანაირად უნდა ვიცხოვროთ – ამალღებულად, სულიერად. პატარა კაცუნებინებით ჩვენს ჯამში არ უნდა ვიყურებოდეთ, უფრო საქვეყნო აზროვნება უნდა გვქონდეს. საუბედუროდ, დღეს ეს ყველაფერი გვაკლია. ერთი სიტყვით, ბატონი რეზოს შემოქმედება უკვდავია.“

„ძალიან ბევრის თქმა შემიძლია ქალბატონ გულნაზზე. ნამდვილად შემოქმედი პედაგოგია. არაერთი შესანიშნავი ღონისძიება აქვს ჩატარებული. დღევანდელ ღონისძიებაში, ძირითადად, მონაწილეობდნენ მისი ყოფილი სადამრიგებლო კლასის მოსწავლეები. ამ ბავშვებს გამოჩნეულად უყვართ გულნაზის მასწავლებელი. როგორც წესი, უფროსკლასელები თავს არიდებენ ხოლმე მსგავს ღონისძიებაში მონაწილეობას, დღეს კი ორისათვის განმავლობაში ისინი გატაცებით, უდიდესი სიამოვნებით გვიკითხავდნენ ამონარიდებს რევაზ ინანიშვილის შემოქმედებიდან. ეს, რა თქმა უნდა, პედაგოგის დამსახურებაა. მას ესმის ბავშვების ენა, ამავე დროს ამოძრავებს სიყვარული როგორც თავისი საგნის, ასევე მოსწავლეების მიმართ.“

დღეს მოსწავლეებს რომ ვუსმენდი, ცრემლიც კი წამოვივიდა, ისეთი გულშიჩამწვდომი ამონარიდები შემოგვთავაზეს. მიმაჩნია, რომ დღეს როგორც ღონისძიების მონაწილეებში, ასევე სტუმრებში გაცოცხლდა ქართული სული. მიუხედავად იმისა, რომ ეს მოთხრობები ადრე დაწერილი, სცენიდან გვესმოდა ის, რაც დღეს ხდება, ეს უდიდესი ნიჭია. რევაზ ინანიშვილი მსოფლიო დონის მწერლად მიმაჩნია. ბავშვები აუცილებლად უნდა იცნობდნენ მის შემოქმედებას.“

„ბატონი რეზო ადრეც გვყავდა მოწვეული და ძალიან მოეწონა ჩვენი ბავშვები, ასე გულით ნათქვამი და ასე კარგად გაგებული ჩემი შემოქმედება არსად მინახავსო. დამპირდა, როგორც ჩემს ნამდვილ მკითხველს, ნიგვს გაჩუქებო. მოგვიანებით, მწერალი საავადმყოფოში მოვიხიხულე და მაშინ მაჩუქა სამახსოვრო წარწერით. ეს ყველაზე დიდი საჩუქარია, რაც კი ცხოვრებაში მიმიღია. რევაზ ინანიშვილი და ლევან გოთუა ჩემთვის ყველაზე დიდი მწერლები არიან.“

დღევანდელ ღონისძიებაში, ძირითადად, მეცხრეკლასელები იყვნენ დაკავებული. ეს ჩემი ყოფილი სადამრიგებლო კლასია და ამ ბავშვებთან განსაკუთრებული ურთიერთობა მაკავშირებს. თუმცა, ჩართული იყვნენ სხვა კლასების მოსწავლეებიც. ეს ღონისძიება ჩაფიქრებული იყო, როგორც სასკოლო ღონისძიება.“ – **გულნაზი გელაშვილი**, ქართული ენისა და ლიტერატურის მასწავლებელი, ღონისძიების ორგანიზატორი.

„ძალიან ბევრის თქმა შემიძლია ქალბატონ გულნაზზე. ნამდვილად შემოქმედი პედაგოგია. არაერთი შესანიშნავი ღონისძიება აქვს ჩატარებული. დღევანდელ ღონისძიებაში, ძირითადად, მონაწილეობდნენ მისი ყოფილი სადამრიგებლო კლასის მოსწავლეები. ამ ბავშვებს გამოჩნეულად უყვართ გულნაზის მასწავლებელი. როგორც წესი, უფროსკლასელები თავს არიდებენ ხოლმე მსგავს ღონისძიებაში მონაწილეობას, დღეს კი ორისათვის განმავლობაში ისინი გატაცებით, უდიდესი სიამოვნებით გვიკითხავდნენ ამონარიდებს რევაზ ინანიშვილის შემოქმედებიდან. ეს, რა თქმა უნდა, პედაგოგის დამსახურებაა. მას ესმის ბავშვების ენა, ამავე დროს ამოძრავებს სიყვარული როგორც თავისი საგნის, ასევე მოსწავლეების მიმართ.“

დღეს მოსწავლეებს რომ ვუსმენდი, ცრემლიც კი წამოვივიდა,

ისეთი გულშიჩამწვდომი ამონარიდები შემოგვთავაზეს. მიმაჩნია, რომ დღეს როგორც ღონისძიების მონაწილეებში, ასევე სტუმრებში გაცოცხლდა ქართული სული. მიუხედავად იმისა, რომ ეს მოთხრობები ადრე დაწერილი, სცენიდან გვესმოდა ის, რაც დღეს ხდება, ეს უდიდესი ნიჭია. რევაზ ინანიშვილი მსოფლიო დონის მწერლად მიმაჩნია. ბავშვები აუცილებლად უნდა იცნობდნენ მის შემოქმედებას.“

მადლობა მინდა გადავუხადო ქალბატონ გულნაზის და ვუსურვო მრავალი საინტერესო ღონისძიება ჩატარებინოს. ჩვენ, დირექცია ყოველმხრივ ვეცდებით, მის გვერდში ვიყოთ და დავეხმაროთ.“ – **ლიდა ნოდია**, 26-ე საჯარო სკოლის დირექტორი.

„რევაზ ინანიშვილის შემოქმედებას ჩვენ აქამდეც ვიცნობდით. დიდი მღვდვარებით ველოდით ამ დღეს. საგანგებოდ მოვრთეთ დარბაზი. გვიხაროდა, რევაზ ინანიშვილის ოჯახის წევრები რომ მოდიოდნენ ჩვენთან სტუმრად.“ – **თეონა გურგენიძე**, VIII კლასი.

„რევაზ ინანიშვილის შესახებ ხშირად გვიყვებოდა მასწავლებელი და ძალიან შეგვაყვარა ეს მწერალი. სალამოს მომზადება რომ გადაწყვიტა, ჩვენც შემოგვთავაზა მონაწილეობა. გვიხარია, რომ ყველაფერმა კარგად ჩაიარა.“ – **ლიკა ტყემალაძე**, VIII კლასი.

„ადრე რევაზ ინანიშვილის შემოქმედებას სასკოლო პროგრამით ვათვალისწინებდით მოთხრობებით გავეცანით და ძალიან შევიყვარეთ. ისეთი მოთხრობები აქვს, რომ ყველა ასაკის ადამიანს მოსწონს.“

ღონისძიების დაწყებას მოუთმენლად ველოდით და გვიხარია, გულნაზი მასწავლებელი კმაყოფილი რომ დარჩა. ჩვენც ძალიან კმაყოფილები ვართ.“ – **რუსუდან ბაილოშვილი**, VIII კლასი.

„რევაზ ინანიშვილის შემოქმედებას მეხუთე კლასიდან ვავეცანი და ძალიან მომწონს ეს მწერალი.“

რუსუდანს ვეთანხმები, ისეთი მოთხრობები აქვს, რომ ყველა ადამიანს მოსწონს. ვაგვეხარადა გულნაზი მასწავლებელმა, რომ გვთხოვა სალამოს მომზადებაში მონაწილეობა მიგველოდევანდელი სალამოთი ძალიან კმაყოფილი ვარ.“ – **ნინო ბაილოშვილი**, VIII კლასი.

„რევაზ ინანიშვილი არ არის უბრალო მწერალი, ის უდიდესი მწერალი და მოღვაწეა, რომელსაც უდიდესი წვლილი მიუძღვის ადამიანის სულის ჩამოყალიბებაში. დიდი ბედნიერებაა ქართველი ხალხისთვის, რომ მათ სამშობლოში დაიბადა რევაზ ინანიშვილი, მწერალი, რომელიც საუკუნეში ერთხელ იბადება. მე მინდა მადლობა გადავუხადო ქალბატონ გულნაზი გელაშვილს, რადგან მან ასე კარგად და დეტალურად შეგვასწავლა ამ დიდი მწერლის შემოქმედება, ასევე ასეთი ლამაზი დღე გვაჩუქა.“ – **ანა ფალიანი**, IX კლასი.

„ბატონი რეზოს შემოქმედება გაყდენითლია სამშობლოსა და ბუნების სიყვარულით, რაც ამ ღონისძიების დროს მძაფრად განვიცადეთ. მას უყვარდა ყველაფერი, რაც კი ოდესმე ღმერთს შეუქმნია და ჩვენც უნდა ვეცადოთ, რომ ცოტათი მაინც დავემსგავსოთ ბატონ რეზოს.“ – **ნინო წულაძე**, IX კლასი.

„რევაზ ინანიშვილის შემოქმედებისადმი მიძღვნილი სალამო ჩემთვის დაუფინყარი იქნება. დიდი მადლობა გულნაზი მასწავლებელს იმისთვის, რომ საშუალება მომცა, მეც შემეტანა წვლილი ამ ლამაზ ღონისძიებაში.“

ამ სალამომ თითოეული ჩვენგანის თვალწინ გააცოცხლა შესანიშნავი მწერლის შემოქმედება და წარუშლელი შთაბეჭდილება დაგვიტოვა. საშუალება მოგვეცა, თავიდან გავვეთავისებინა და შეგვეცნო რევაზ ინანიშვილის მოთხრობები, გვემოგზაურა მისი გმირების სამყაროში.“ – **თეონა ცერცვაძე**, XII კლასი.

ლალი თვალაპივიშვილი





განათლებისა და მეცნიერების მინისტრმა დიმიტრი შაშკინმა 161-ე საჯარო ეროვნული სასწავლო ოლიმპიადის მეორე ტური გახსნა და მის მიმდინარეობას დააკვირდა.

ეროვნული სასწავლო ოლიმპიადის მეორე ტური ქართულ ენასა და ლიტერატურაში, მათემატიკაში, უცხოურ ენებსა და ფიზიკაში, 13 და 14 მარტს, თბილისსა და ქუთაისში ჩატარდა და მასში 3467 მოსწავლე მონაწილეობდა.

მეორე ტურში გასულთა რაოდენობა, საგნების მიხედვით, შემდეგია:

ქართული ენა და ლიტერატურა	410
ქართული ენა და ლიტერატურა (არაქართულენოვანი)	382
მათემატიკა	947
ინგლისური ენა	470
გერმანული ენა	345
რუსული ენა	416
ფრანგული ენა	270
ფიზიკა	227

დანარჩენ საგნებში ოლიმპიადის მეორე ტური 27 და 28 მარტს ჩატარდება და მონაწილეობას სულ 5696 მოსწავლე მიიღებს. უცხოური ენის ოლიმპიადის მეორე ტურში 2

უსინათლო მოსწავლე მონაწილეობს.

განათლებისა და მეცნიერების სამინისტროს ინიციატივით, 2009 წლიდან, ეროვნული სასწავლო ოლიმპიადის ყოველწლიურად ტარდება შემდეგ საგნებში: ქართული ენა და ლიტერატურა, მათემატიკა, უცხოური ენები, ისტორია, გეოგრაფია, ფიზიკა, ქიმია, ბიოლოგია, ინფორმატიკა.

ოლიმპიადის 3 ტურად ტარდება როგორც ქართულ, ასევე სომხურ, აზერბაიჯანულ და რუსულ ენებზე.

დასკვნით ტურში გამარჯვებული 10 მოსწავლე ეროვნული ნაკრების წევრი გახდება და მოსწავლეთა საერთაშორისო ოლიმპიადის მიიღებს მონაწილეობას.

წელს, გამოცდების ეროვნულ ცენტრში, ოლიმპიადის მონაწილეობის მსურველთა 173 657 განაცხადი შევიდა საქართველოს ყველა რაიონის სკოლებიდან.

მინისტრის განცხადებით, ზოგადი განათლების მაღალი ხარისხის უზრუნველყოფის მიზნით, კვლავ განხორციელდება როგორც ეროვნული საგნობრივი ოლიმპიადები, ასევე საქართველოს მოსწავლეებს ექნებათ შესაძლებლობა, მონაწილეობა მიიღონ საერთაშორისო კონკურსებსა და ოლიმპიადებში. ოლიმპიადების წახალისების მიზნით, იგეგმება საერთაშორისო ოლიმპიადების საქართველოში ჩატარება.

მარნეულის №7 აზერბაიჯანულენოვანი საჯარო სკოლის მოსწავლეები ამერიიდან თანამედროვე სტანდარტების შესაბამის სკოლაში ისწავლიან. 2009 წლამდე სკოლა ფუნქციონირებდა, როგორც საბაზო და განთავსებული იყო გასული საუკუნის 30-იან წლებში აგებულ შენობაში. გვიდარ ალიევის ფონდის დაფინანსებით, 2009-2010 წლებში, სკოლას სრული რეაბილიტაცია ჩაუტარდა, აღიჭურვა თანამედროვე სასკოლო მერხებით, დაფებით. კომპიუტერები და სასწავლო თვალსაჩინოებები, განათლებისა და მეცნიერების სამინისტროს პროგრამა „ირმის ნახტომის“ ფარგლებში, გასულ წლებში გადაეცა.

რეაბილიტირებული საჯარო სკოლის გახსნის ცერემონიაში მონაწილეობა განათლებისა და მეცნიერების მინისტრმა დიმიტრი შაშკინმა, ქვემო ქართლის გუბერნატორმა დავით კირკიტაძემ, აზერბაიჯანის სახელმწიფო სტანდარტების კომიტეტის თავმჯდომარემ რამიზ გასანოვმა, გვიდარ ალიევის ფონდისა და ადგილობრივი თვითმმართველობის წარმომადგენლებმა მიიღეს.

ვიზიტის ფარგლებში, დიმიტრი შაშკინმა მარნეულის №7 საჯარო სკოლას, სადაც 100-ზე მეტი მოსწავლე სწავლობს, პორტატული კომპიუტერები გადასცა.

2009 წელს მარნეულის მუნიციპალიტეტის პრეზიდენტის ნაციონალური პროგრამის „იაკო გოგებაშვილი – საჯარო სკოლების რეაბილიტაცია“ ფარგლებში 564,295 ლარი გადაეცა, რომლითაც განხორციელდა: სოფ. ალგეთის №2 საჯარო სკოლის მშენებლობა, მარნეულის №5 საჯარო სკოლის რეაბილიტაცია, შაშკინის №2 საჯარო სკოლაში გათბობის სისტემის დამონტაჟება, მარნეულის №2 საჯარო საჯარო სკოლაზე მიშენება და გათბობის სისტემის მოწყობა.

2010 წელს, საგანმანათლებლო და სამეცნიერო ინფრასტრუქტურის განვითარების სააგენტოს მიერ, აშენდება მარნეულის რაიონის სოფელ ახალი დიოკნისის საჯარო სკოლა.



16 მარტს, განათლებისა და მეცნიერების მინისტრი დიმიტრი შაშკინი ახალციხეს ეწვია და მე-5 საჯარო სკოლაში შეხვედრა გამართა – ქალაქის მასწავლებლებს, დირექტორებსა და მოსწავლეებს განათლების სისტემაში მიმდინარე რეფორმებზე და ამ რეფორმების აუცილებლობასა და მნიშვნელობაზე ესაუბრა.

მინისტრის განცხადებით, მიმდინარეობს მუშაობა ახალ სასწავლო გეგმაზე, რომლის მიხედვითაც სასწავლო დისციპლინებს ახალი საგანები – სამოქალაქო თავდაცვა და უსაფრთხოება, საინფორმაციო ტექნოლოგიები და მსოფლიო კულტურის ისტორია დაემატება. გარდა ამისა, ახალი სასწავლო გეგმის მიხედვით, ფიზკულტურა სპორტის გაკვე-

თილებით ჩანაცვლდება, რაც ჯანსაღი და ჯანმრთელი თაობის აღსაზრდელად მნიშვნელოვანი კომპონენტია.

სპორტის გაკვეთილების ჩატარებისათვის სათანადო პირობების შექმნის მიზნით, ახალციხის საჯარო სკოლებში კეთილმოეწყობა სპორტული ინფრასტრუქტურა, რაც მინისტრის განცხადებით, სამინისტროსთვის ერთ-ერთი პრიორიტეტული საკითხი იქნება.

დიმიტრი შაშკინმა პედაგოგთა და მოსწავლეთა შეკითხვებს ამომწურავად უპასუხა. კითხვების ძირითადი ნაწილი პედაგოგთა ნებაყოფლობით სერტიფიცირებას, 2011 წელს გამოსაშვებ და უმაღლეს სასწავლებელში ჩასაბარებელი გამოცდების პროცედურებს ეხებოდა.

საერთაშორისო ორგანიზაცია „პიზა“ საქართველოში წელს პირველად ატარებს საერთაშორისო კვლევას. კვლევა ჩატარდება ჩვენი ქვეყნის 250 სკოლაში, რომელთაც შემთხვევით პრინციპით ირჩევს ორგანიზაცია. ლანჩხუთის მუნიციპალიტეტის საჯარო სკოლებიდან მათ სიაში ხაჯალის, მამათის და ნიგოთის სკოლები მოხვდნენ.

კვლევა აპირილი ჩატარდება ტესტური ფორმით და მისი ობიექტი 15 წლის მოსწავლეები არიან. კვლევის მიზანია 15 წლის მოსწავლეების განვითარების დონის დადგენა იმ საგანმანათლებლო პროგრამებით და გარემოთი, რომელიც მის ქვეყანაშია შექმნილი. რესურსცენტრის ხელმძღვანელმა, ნათია ურუშაძემ აღნიშნა, რომ კვლევა ძალიან მნიშვნელოვანია და ჩვენზე მეტად განვითარებული ქვეყნები აქცევენ დიდ ყურადღებას მის შედეგებს, რადგან ასეთი კვლევების შემდეგ იხვეწება პროგრამები, ყურადღება მახვილდება რიგ ფაქტორებზე.



მომავალი სასწავლო წლიდან განათლებისა და მეცნიერების სამინისტრო და „კერძო სკოლათა ასოციაცია“ ახალ პროექტს იწყებს. ერთობლივ ინიციატივაზე განათლებისა და მეცნიერების მინისტრმა დიმიტრი შაშკინმა სკოლა-ლიცეუმ „მნიგნობართუხუცესი“ სტუმრობისას განაცხადა.

სამინისტროს მხარდაჭერით, ახალი სასწავლო წლიდან, საქართველოში მოქმედი კერძო სკოლები სოციალურად დაუცველი ოჯახების ნიჭიერ მოსწავლეებს შესაძლებლობას მისცემენ უფასოდ ისწავლონ სკოლებში, სადაც თანამედროვე ინფრასტრუქტურა და სწავლების მაღალი დონეა. სურვილის შემთხვევაში, კერძო სკოლებში გააგრძელებენ სწავლას ის მოსწავლეებიც, რომელთაც სასკოლო ეროვნულ ოლიმპიადებში გაიმარჯვეს. ეს იქნება მათთვის ჯილდო მიღწეული წარმატებებისთვის: „მნიშვნელოვანია, რომ ჩვენს სისტემაში წახალისებული იყვნენ ნიჭიერი ბავშვები, – აღნიშნა დიმიტრი შაშკინმა, – ახალი პროექტით, კერძო სკოლებში სწავლა მხოლოდ საზოგადოების გარკვეული ნაწილისთვის არ იქნება პრივილეგია და ხელმისაწვდომი გახდება ნიჭიერი, მოტივირებული მოსწავლეებისთვის“.

მოსწავლეთა შერჩევის პრინციპებზე და მისაღები კონტინგენტის რაოდენობაზე კერძო სკოლები თავად მიიღებენ გადაწყვეტილებას. მინისტრის განცხადებით, საქართველოს მთავრობა და განათლებისა და მეცნიერების სამინისტრო ხელს შეუწყობენ კერძო სკოლების განვითარებას.

განათლებისა და მეცნიერების მინისტრი სკოლა-ლიცეუმში „მნიგნობართუხუცესი“ სტუმრობისას სწავლების მეთოდებსა და კერძო სკოლის გამოცდილებას გაეცნო, დაინტერესდა სკოლის ინფრასტრუქტურითა და ტექნიკური უზრუნველყოფით.

ქვეხიშვილის მორიგი ამერიკული ტიტული



ამერიკაში მცხოვრებმა ქართველმა მძლეოსანმა **მარიამ ქვეხიშვილმა** ისევ გაიმარჯვა, ოლონდ ამჯერად ბევრად პრესტიჟულ შეჯიბრებაში, ვიდრე – აქამდე. თუ ადრე ის ძირითადად სხვადასხვა შტატის საუნივერსიტეტო ტურნირებს იგებდა ბირთვის კერაში, ამჯერად აშშ-ს ზამთრის საუნივერსიტეტო ჩემპიონატში გაიმარჯვა. თანაც საქართველოს ახალი რეკორდით – 18,59. ეს გამარჯვება ქვეხიშვილისთვის მეექვსეა წლებიდან, რეკორდი კი მესამეა – წინა შედეგი 18,56 იყო.

ამ დღეებში ქვეხიშვილის ყატარის დედაქალაქ დოჰაში მსოფლიოს ზამთრის ჩემპიონატში უნდა გამოსულიყო, მაგრამ საკუთარი უნივერსიტეტის ხელმძღვანელობას ხათრი ვერ გაუტეხა და ამერიკაში დარჩა. ეს გადაწყვეტილება ბევრად უფრო გონივრული აღმოჩნდა – დოჰაში ამ მაჩვენებლით მერვე ადგილზე გავიდოდა, რაც ცუდი მიღწევა არ იქნებოდა, მაგრამ ახლა აშშ-ს სტუდენტთა ჩემპიონიც გახდა და საქართველოს ზამთრის რეკორდით გააუმჯობესა. აღსანიშნავია, რომ მან ზედიზედ მესამედ მოიგო აშშ-ს საუნივერსიტეტო პირველობა.

ახლა ქვეხიშვილს ისევ ზამთრის პირველობები, მაგრამ არანაკლებ საპასუხისმგებლო ტურნირები ელოდება. მისში მან აშშ-ს ზაფხულის საუნივერსიტეტო პირველობაზე უნდა იასპარეზოს, მერე კი ევროპაში გადმოფრინდება – ივნისში მალტაზე ევროპის გუნდური პირველობა ტარდება და იქ გამოვა საქართველოს ნაკრების შემადგენლობაში. ჯერჯერობით ჩვენები მესამე დივიზიონში გამოდიან და მეორეში გადასასვლელად იბრძვიან. მალტაზე, ივლისის ბოლოს, ბარსელონაში გასამართ ევროპის პირად პირველობაზე მოსახვედრი საგზურებიც გაიცემა, თუმცა ქვეხიშვილს ის მოპოვებული აქვს – ნორმატივი ამერიკაშივე შეასრულა.

პირველი ტურნირის პირველი მედალოსნები

თბილისის **ნონა გაფრინდაშვილის** სახელობის ჭადრაკის სასახლეში დამთავრდა დიდოსტატ **ბუხუტი გურგენიძის** სახელობის პირველი საერთაშორისო ტურნირი. მ წლამდე ასაკის მოჭადრაკეთა ტურნირში 6,5 ქულით **ანტონ ნადირაძემ** გაიმარჯვა, მომდევნო ადგილებს გამოსავლენად კი დამატებითი კოეფიციენტები გახდა საჭირო. 5,5-5,5 ქულა დააგროვეს **დიმიტრი ვი-ბუტმა**, **ნიკოლოზ პეტრიაშვილმა** და **თამარ ლაგაზაურმა**, მაგრამ დამატებითი მაჩვენებლებით ვერცხლი ვიბუტმა მოიპოვა, ბრინჯაო – პეტრიაშვილმა.

ლას ანასტასია ხარაზმა აჯობა 6 ქულით, მას თითო ქულით ჩამორჩნენ **სალომე ხუცურაული**, **მარიამ სკამკოჩაიშვილი** და **მარიამ წამალაშვილი**. საქმეში აქაც კოეფიციენტი ჩაერია, რომელმაც უმედილოდ წამალაშვილი დატოვა, მეორეზე ხუცურაული გავიდა, სკამკოჩაიშვილი – მესამეზე. ამავე ასაკის ვაჟებში **ივანე გამეზარდაშვილმა** მხოლოდ ნახევარი ქულა დაკარგა და 7 ქულით იმარჯვა. ქულით ნაკლები დააგროვა **ბექა თათურაშვილმა**, რომელსაც, თავის მხრივ, ასევე ქულით ჩამორჩა მესამეზე გასული **ნიკა ცომიაი**.

უკარგავს და მაქსიმალური შედეგით – 7-დან 7 ქულით **გურამ ქელიძემ** გაიმარჯვა. 5,5-5,5 ქულით მომდევნო ადგილები **რატი პერტიამ** და **მარიამ თვალავაძემ** გაინაწილეს. 14-წლიანთა ტურნირში ვაჟებს გოგომ აჯობა – 6,5 ქულით ჩემპიონობა **დეა გიგვიშვილმა** მოიპოვა. 5,5 დააგროვა **ალექსანდრე ებრალიძემ**, რომელსაც ქულით ჩამორჩა **ურა მღვდელაძე**. 18-წლიანებში 6 ქულით ვადამდე გაინაღდა ჩემპიონობა **ნიკოლოზ ქუმსიაშვილმა**. 5 ქულით ვერცხლი **კახაბერ წერეთელმა** მოიპოვა, ბრინჯაო კი 4,5 ქულით – **ლიკა კობეშვიძემ**.



საღებუტო მარცხი

ბოლო ხანებში ქართული ფიგურული ციგურაობა **ელენე გედევანიშვილის** სახელთან ასოცირდება, თუმცა ვანკუვერის ტრაგიკულ ოლიმპიადაზე **ოთარ ჯაფარიძისა** და **ალისონ ლი რიდის** მოცეკვავე წყვილმა, წარუმატებლობის მიუხედავად, სამომავლოდ მაინც საკმაო იმედები ჩაგვისახა. ახლახან საერთაშორისო არენაზე კიდევ ორი ქართველი მოციგურავე გამოჩნდა – **ნინო აბაშიძემ** და **ანი ლომინაძემ** პოლანდიურ ჰაავაში მსოფლიოს ახალგაზრდულ ჩემპიონატში იასპარეზეს. სამწუხაროდ, ჩვენები მოკლე პროგრამის შემდეგ გამოეთიშნენ ტურნირს, თუმცა კარგია, რომ მათ ამ რანგის ტურნირზე თავის გამოჩენის შანსი მიეცათ. ჯერჯერობით ორივე ჩვენებური მხოლოდ 14 წლისაა და


თქმაც არ გინდათ, რომ ეს მათთვის სადებიუტო ტურნირი იყო. ალბათ, შესენება არც იმაზე დაგჭირდებათ, რომ მათ საერთაშორისო ტურნირების გამოცდილება აკლიათ. ამიტომაც საჭირო ხშირი საშუალებო პრაქტიკა და ვინძლო, მალე ახალი გედევანიშვილიც ვიხილოთ. აქვე გეტყვით, რომ თვითონ ელენე გედევანიშვილი ახლა მსოფლიოს პირველობისთვის ემზადება, ამასობაში კი მისი 17 წლის ძმა **დიმიტრი გედევანიშვილი** აგრძელებს გამოსვლებს სამთო მოთხილამურეთა ტურნირებში. ახლახან მან ამერიკულ ბურკში ჩრდილოეთ ამერიკის თასზე იასპარეზა, სადაც სუპერკომბინაციაში 45-ე იყო, სუპერგვიანტში – 65-ე.

ჭანტურიას დუბლი

14 მარტს „რუსთან“ გამართული შეხვედრა დიდხანს დაამახსოვრდება „ბარსელონას“ ფუნქიონალ ბ 16 წლის ქართველ თავდამსხმელ **გიორგი ჭანტურიას**. ამ შეხვედრაში კატალონიელებმა 2:1 მოუგეს მასპინძლებს, ჩვენთვის ყველაზე სასიამოვნო კი ისაა, რომ ორივე გოლი ქართველმა გაიტანა. აღსანიშნავია, რომ მან მხოლოდ პირველი ტაიმი ითამაშა – მეორეში შეცვალეს. ჭანტურიას ესპანური გოლები არ უყვირს – 11 თამაშში უკვე 12 დაუგროვდა, მაგრამ დუბლი მაინც გამორჩეული ამბავია. მით უფრო, კატალონიელებმა მისი გოლებით პირველად გაიმარჯვეს.

რუბრიკას უძღვება ირაპალი თაბაძე



 <p>მთავარი რედაქტორი: მარიკა ჩიქოვანი</p>	<p>მისამართი: ტაბაღაშვილის №3 ტელ.: 95-80-23, 890 958023, 855 411668, 855 178027. www.axaliganatleba.ge E-mail: axaliganatleba@gmail.com, ganatleba@mail.ru</p>	<p>რედაქციის რეკვიზიტები: საქართველოს ბანკი ბ/კ 220101502, ს/კ 202058735, ა/ა 123631000</p>
	<p>რეგისტრაციის № 2/4-1609, ინფორმაცია ხელმოწერისთვის: 76096 გაზეთი რეგისტრირებულია დიდუბის რაიონის სასამართლოში მიერ. რედაქციაში შემოსული ხელნაწერები არ რეცენზირდება და ავტორებს არ უბრუნდება.</p>	